

NATIONAL LIBRARY
Rare Book Section,

182. Jc. 852.1

"বাহ্য বস্তুৰ আন্তঃ
জ্ঞানৰ ^{প্ৰকৃতি} জ্ঞানৰ অধ্যয়ন
বিচাৰ।"

শ্ৰী অক্ষয় কুমাৰ দত্ত
প্ৰণীত।
LIBRARY
Rare Book Section

Pt.
Vol. ২.

কলিকতা।

১৭৭৪ (মকৰ্দ)।


638

LJ.72

182 Je

852.1

RARE BOOK



বিজ্ঞাপন

“বাল্য বস্তুর সাহিত্য মানব জ্ঞানতির সমৃদ্ধি-
 বিচার” বিষয়ক পুস্তক সমাপ্ত হইল। অত-
 এব, স্বদেশীয় লোকের নিকট বিনীত ভাবে
 নিবেদন, তাঁহারা পরিচয় স্বীকার পূর্বক
 এই পুস্তক সম্বিশেষ আলোচনা করিয়া দেখি-
 বেন, এবং ইহাতে যে সমুদায় অভিপ্রায়
 প্রকাশিত হইয়াছে, তদনুযায়ী ব্যবহার করি-
 তে সচেষ্ট হইবেন। যিনি যে পরিমাণে
 প্রাকৃতিক নিয়ম শিক্ষা করিবেন, তিনি যেন
 তাহা) লোকদিগকে, বিশেষতঃ বালকদিগকে
 শিক্ষা দিতে যত্ন করেন। যে সকল মহা-
 শয়েরা কোন বিদ্যালয়ের অধ্যক্ষতা কারত্বা
 থাকেন, এদ্বারা বিশেষরূপে হুতি রাখা তাঁ-

হারদের নিত্য কৰ্তব্য। যখন বালকদিগের
বিদ্যাধ্যয়নের ভার তাহারদের উপর ন্যস্ত
রহিয়াছে, তখন তাহারা আপনারা যথোচিত
জ্ঞান প্রাপ্ত হইয়া তাহারদিগকে সুশিক্ষিত
ও সদাচারি করিবার চেষ্টা করিলে, এত-
দেশীয় লোকের মুখমৌভাগ্য সাধনের পথ
অনেক পরিষ্কার করিয়া দিতে পারেন, তা-
হার সন্দেহ নাই।

যেমন, আপনার, আপন পরিবারের ও অণু-
র সাধারণ সকলের জ্ঞান, ধৰ্ম্ম ও সুখ স্বকলিতা
বৃদ্ধির চেষ্টা করা প্রত্যেক ব্যক্তিরই উচিত, সেই
ইচ্ছা রাজারও প্রজাদিগের বিদ্যাভ্যাসের
জার গ্রহণ করা সৰ্ব্বতোভাবে কৰ্তব্য। অন্যের
সহিত যে বিষয়ের কোন সম্বন্ধ নাই, সে বিষয়ে
সকলেই আপন আপন ইচ্ছানুযায়ি ব্যবহার
করিতে পারেন, কিন্তু অন্যের সহিত যে বিষ-
য়ের সম্বন্ধ আছে, সে বিষয়ে যাহাতে ন্যায়-
বিরুদ্ধ ব্যবহার না হয়, রাজনিয়ম দ্বারা তা-
হার উপায় করা বিধেয়; কারণ এক ব্যক্তির
কুব্যবহার দ্বারা অন্যের অপকার হইবার স-
ম্ভাবনা থাকিলে, তাহার প্রতিবিধান করা রা-
জনিয়মের প্রধান উদ্দেশ্য। দারীদ্রিক নিয়ম

না জানিলে, শরীর ভগ্ন হইয়া সামাজিক কার্য
সাধনে অশক্ত হইতে হয়, এবং এক জন শারী-
রিক নিয়ম লঙ্ঘন করিলে তদ্বারা মানা প্রকারে
প্রতিবাদিদিগেরও পীড়া হইবার সম্ভাবনা;
অতএব বাহ্যতে প্রত্যেক প্রজা শারীরিক
নিয়ম অবগত হইতে পারে, তাহার উপায়
করা কর্তব্য। বাহ্যর রিপু সমুদায় বুদ্ধিবৃত্তি
ও ধর্মপ্রবৃত্তির আয়ত্ত না থাকে, তাহা-
কর্তৃক সংসারের অশেষ প্রকার অনিষ্ট হই-
বার সম্ভাবনা; অতএব, প্রজাদিগের প্রধান প্র-
ধান মনোবৃত্তি প্রবল ও বিকৃষ্ট প্রবৃত্তি সমুদায়
সংযত করিবার নিমিত্তে, প্রজাদিগকে রীতিমত
ধর্মনীতি শিক্ষা দেওয়া ও তদনুযায়ি অনুষ্ঠানে
প্রবৃত্ত করিবার সুবিধা করা আবশ্যিক। শিশু-
বিদ্যা, রসায়ন বিদ্যা, লোকযাত্রাবিধান প্র-
ভৃতি যে সকল বিদ্যা শিক্ষা করিলে উত্তমোত্তম
ব্যবসায় অবলম্বন করিয়া জনসমাজের দুঃখ
মোচন ও দুর্ভিক্ষক্ষণতা নাশন করিতে পারা-
বার তাহার অব্যয়ন অব্যাপন সংস্থাপন করা
কর্তব্য। এই সমস্ত বহুবিদ্যা শিক্ষার উপায় ক-
ল্পিয়া না দিলে, রাজা ও রাজপুরুষেরা প্রজার
খণ হইতে কোন ক্রমেই মুক্ত হইতে পারেন

না। যদি দুই দমনার্থে শান্তিরক্ষক নিযুক্ত রাখা রাজার পক্ষে কর্তব্য হয়, তবে যাহাকে প্রজাদিগের ছন্দ্রবৃত্তি দমন ও সংপ্রবৃত্তি বর্জন হয়, তাহার উপায় করা বড় দুর কর্তব্য। প্রজাদিগের শারীরিক সুস্থতা সম্পাদনার্থে, নগর-পরিষ্কার, নির্মল জল প্রাপ্তির সুবিধা, জপান ও দুর্গন্ধ বস্তু দূরীকরণ প্রভৃতির বিধান করা যদি রাজার উচিত হয়, তবে যাহাতে প্রজারা স্বয়ং ভৌতিক ও শারীরিক নিয়ম অবগত হইয়া পরিশুদ্ধ পরিচ্ছন্ন থাকিতে এবং অন্যান্য শারীরিক নিয়ম প্রতিপালন করিতে সমর্থ হয়, তাহার উপায় করা রাজ-নিয়মের উদ্দেশ্য কেন না হয়? অতএব, প্রজাদিগকে পূর্বোক্ত বস্তুদ্বারা বিজ্ঞান-শাস্ত্র শিক্ষায় প্রবৃত্ত করা ও তাহার উপায় করিয়া দেওয়া রাজার কর্তব্য কর্ম। তাহারা কাব্য অলঙ্কার শিক্ষা করুক আর না করুক, সে তাহারদের স্বেচ্ছাধীন, রাজনিয়ম দ্বারা সে বিষয়ে তাহারদিগকে প্রবৃত্ত করা অদৃশ্য আবশ্যক নহে। যদি ভারতবর্ষের রাজপুরুষেরা এই সমস্ত পরম মঙ্গলদায়ক অভিপ্রায়ের অনুগত হইয়া আপন সাধারণ সকল লোককে

পূর্বেকীৰ্ত্ত অকাল শিক্ষা প্রদান করিতে একান্ত চেষ্টা করেন, তাহা হইলে আমাদের শৌভাগ্যের সীমা কি? যে যেবিদ্যা অধ্যয়ন করিলে, ভৌতিক, শারীরিক ও মানসিক নিয়ম প্রবন্ধক হওয়া যায়, রাজ-সংক্রান্ত সমস্ত বিদ্যালয়ে তাহার অধ্যয়ন অব্যাপন সম্ব্যাপন করা, এবং তাহাতে সৰ্ব সাধারণে তাহা শিক্ষা করিতে পারেন ও শিক্ষা করিয়া তদনুযায়ী অনুষ্ঠান করিতে প্রবৃত্ত হন, তাহার উপায় করা রাজ-প্রজ্ঞাবিশিষ্টের অবশ্য কর্তব্য বলিয়। স্বীকার করা উচিত।

অধিক কাল-ব্যাপি অতিরিক্ত পরিশ্রম করিলে বুদ্ধিবৃত্তি ও ধর্মপ্রবৃত্তি ক্ষুণ্ণিত পায় না, এবং জ্ঞান ও ধর্মালোচনার্থে অবকাশ পাওয়া যায় না। অতএব, যে সকল সাংসারিক রীতি প্রচলিত থাকিতে, কোটক বহুকাল ব্যাপিয়া কণর ক্রেশ করিতে বাধ্য হয়, এবং বুদ্ধিবৃত্তি ও ধর্মপ্রবৃত্তি পরিচালনার্থে অবকাশ-কাল পায় না, রাজনিয়ম দ্বারা তাহা পরিবর্তন করা সমীচীনভাবে কর্তব্য।

একদম যে একর আচার ব্যবহার প্রচলিত আছে, তাহাতে নিব্বন্ধ প্রবৃত্তি সমুদায়ই

প্রবল হইতে পারে। ধনোপার্জন ও বিবর
 বৃদ্ধির যে প্রকার রীতি বলবতী আছে, তা-
 হাতে লোকের অর্জনস্পৃহা বৃদ্ধি লক্ষ্য-প্রধান
 হইয়া উঠিয়াছে। বংশমর্যাদা ও কৃত্রিম
 উপাধি থাকাতে, অভিমান ও অহঙ্কার বিল-
 ক্ষণ বর্জিত হইতেছে। যুদ্ধ-ব্যবসায় ও যুদ্ধ-
 কার্য্য দ্বারা জিহ্মাংনা ও প্রতিবিদ্বেষা প্রবল
 হইতেছে। মদিরা পান ও অন্যান্য মাদক চে-
 বনের প্রথা প্রবল হইয়া লোকের চিত্তভূমিহ
 ধর্ম্মাকুর সকল সমূলে নির্মূল করিতেছে।
 শিক্ষাগুরু ও দীক্ষাগুরু। সমস্ত প্রকারেই উপ-
 পদেশ করুন, তথাপি যত দিন এই সমস্ত মাং-
 সারিক ব্যবস্থা প্রচলিত থাকিবে, তত দিন তাঁ-
 হারদের উপদেশ সম্যক্ৰূপে সকল হইবার
 সম্ভাবনা নাই। কিন্তু উপদেশ প্রদান ব্যক্তি-
 রেকে উপায়ও নাই। মনুষ্যের প্রকৃতি, বাহ্য
 বলের সহিত তাহার মনস্ক, এবং সেই মনস্কানু-
 য়ায় অনুষ্ঠানের উপরে যে তাঁহার সর্ব্বপ্রকার
 মঙ্গল নির্ভর করে, এই মঙ্গল বিষয় উপদেশ দে-
 ওয়া নিতান্ত আবশ্যিক। এই সমস্ত বিষয়ে উপ-
 দিষ্ট হইলে, লোকে পরমেশ্বরের প্রাকৃতিক নি-

রম ও আপনাদে মুখ স্বচ্ছন্দতার বধার্থে গৃহ
অবগত হইবে, এবং অবগত হইয়া তদনুযায়ী
সাংসারিক নিয়ম সংস্থাপন করিতে সচেষ্ট
হইবে।

ব্রাহ্মগণ যে ধর্ম অবলম্বন করিয়াছেন,
তাহাতে এই পুস্তক অধ্যয়ন ও পুস্তক পুস্তক
পর্যালোচনা করা তাঁহাদের আবশ্য
কর্তব্য। পরমেশ্বরকে প্রীতি করা ও তাঁহার
প্রিয় কার্য সাধন করাই ব্রাহ্মধর্ম। যে নমস্কা
কার্য আমাদের গুরুপিতা পরমেশ্বরের
প্রীতিকর, ত্যাদে পর্যাশ্রয় পদ করিয়াও তাহা
সাধন করা কর্তব্য। কিন্তু, কোন্ কোন্ কার্য
তাঁহার প্রীতিকর হইবে না জানিলে, তৎসা
ধর্মে প্রবৃত্ত হওয়া সম্ভাবিত নহে। বিশ্বপতি
যে সকল শুভকর নিয়ম সংস্থাপন করিয়া
বিশ্ব-রাজ্য পালন করিতেছেন, তদনুযায়ী কার্য
ই তাঁহার প্রিয় কার্য এবং তাঁহার প্রতি প্রীতি
প্রকাশ পূর্বক তৎসমুদায় সম্পাদন করাই
আমাদের একমাত্র ধর্ম। এপর্যন্ত কত প্র-
কার নিয়ম অব্যবহিত হইয়াছে এবং কি ক-
পেই বা সে সকল নিয়ম শিক্ষা করিতে সমর্থ

হওয়া যায়, তাহা এই পুস্তকে যথা সাধ্য প্রদর্শিত হইল। অতএব, এ গ্রন্থ ব্রাহ্মদিগের ধর্ম-শিক্ষার সম্পূর্ণ উপযোগী। এই গ্রন্থোক্ত অভিপ্রায় সকল অবলম্বন পূর্বক তদনুযায়ি ব্যবহার করিতে ও অন্য লোকদিগকে তৎ সমুদায়ের উপদেশ প্রদান করিতে যত্নবান থাকিবে। অতোক ব্রাহ্মেরই উচিত।

এ গ্রন্থে যে সমস্ত সর্বস্বত্বদায়ক বিষয়ের বিবরণ করা গেল, যখন বিদ্যালয় সমুদয়ে সেই সকল বিষয় অধ্যয়ন অধ্যাপনার স্থান হইবে, যখন ধর্মোপদেশকেরা পরমেশ্বরের এই সমস্ত প্রিয় কার্যকে তাঁহার উপাসনার অঙ্গ বলিয়া উপদেশ প্রদান করিবেন, এবং সাংসারিক আচার ব্যবহার ও বিষয়-চেষ্টা নিরবচ্ছিন্ন নৈসর্গিক নিয়মানুসারে সম্পন্ন হইয়া বিষয়কার্য এবং জ্ঞান ও ধর্মানুষ্ঠান একীভূত হইয়া যাইবে, তখন মনুষ্যনামের গৌরব রক্ষা পাইয়া উত্তরোত্তর তাঁহার পূর্ণাবস্থা সম্পন্ন হইতে থাকিবে।

কলিকাতা

শ্রীঅক্ষয়কুমার দত্ত।

শকাব্দ ১৭৭৪। ১০ মাঘ

সূচীপত্র

ধর্মবিষয়ক বিষয় লঙ্ঘন করিলে মনুষ্যের	
কত স্থাপে হয় তাহার বিচার.....	১
মাস্যিক নিয়ম	২৮
প্রাকৃতিক নিয়মানুযায়ি দণ্ড বিধানের	
বিবরণ.....	১৮
নানা প্রকার প্রাকৃতিক নিয়মের	} ১৫৩
সমবেত কার্য্য	
প্রাকৃতিক নিয়ম প্রত্যেক ব্যক্তির	} ১৩৮
মুখজনক কি না তাহার বিচার	
বিদ্যা ও ধর্মের পরস্পর সম্বন্ধবিচার	১৯৮
উপসংহার	২২০
মুরাপান	২২৩

ষষ্ঠাধ্যায়

ধর্ম বিষয়ক নিয়ম লঙ্ঘন করিলে মনুষ্যের কত
জুখ হইত তাহার বিচার

এই গ্রন্থের প্রথম ভাগে ভৌতিক ও
শারীরিক নিয়মের বিষয় বিবরণ করা গিয়াছে,
একগুণে মনুষ্যের ধর্ম-বিষয়ক নিয়ম লঙ্ঘনের
কলাকল বিচারে প্রবৃত্ত হওয়া যাইতেছে।
প্রধান প্রধান নীতি-দর্শক ও ধর্ম-প্রবোজক
পণ্ডিতদিগের পরস্পর মত-ভেদের বিষয় আ-
লোচনা করিয়া দেখিলে বিশ্বরূপম হইতে
হয়। একাল পর্য্যন্ত ধর্মাদর্শ ও কর্তব্যাক-
র্তব্য মিল্লপন্যার্থে কত তর্কবিতর্ক উৎপন্ন হই-
য়াছে, কত মতামতই প্রকাশিত হইয়াছে,
এবং দেশ ভেদে ও কাল ভেদে কত শত ধর্ম-
শাস্ত্রই বা কল্পিত হইয়াছে। বোধ হয়,
শাস্ত্র-প্রকাশকদিগের পরস্পর জ্ঞানের তার-

২ ধর্ম বিষয়ক নিয়ম লঙ্ঘনের কল

তম্য ও প্রকৃতির ইতর বিশেষই ইহার প্রধান কারণ। প্রথমে সকল জাতীয় মনুষ্যেরাই ঘোরতর অজ্ঞান ভিমিরে আবদ্ধ ছিলেন, এবং ভিমিমিতে এই মুকোশল-সম্পন্ন পরম সুন্দর বিশ্ব-যন্ত্রের মনোমুগ্ধকর করিতে সমর্থ না হইয়া এই সংসারকে কতক গুলি অসংখ্য বস্তুরাশি-মাত্র বোধ করিতেন। যে বস্তুর অসামান্য প্রভাব ও বিশেষ উপকারিতা গুণ দৃষ্টি করিতেন, তাহারই দেবত্ব ও স্বপ্রধানত্ব স্বীকার করিতেন। তাঁহারা গঙ্গা, সরস্বতী, সিন্ধু প্রভৃতি বৃহৎ বৃহৎ নদী ; মেঘ, বায়ু, সমুদ্র প্রভৃতি বিস্তৃত পদার্থ ; সূর্য্য, চন্দ্র, গ্রহ, নক্ষত্র, অগ্নি প্রভৃতি তেজস্বি বস্তু, ইত্যাদি যে যে বস্তুর বিশিষ্ট রূপ শক্তি, প্রভাব, তেজঃ ও হিতকারিতা গুণ স্পষ্টরূপে দৃষ্টি করিতেন, শক্তি, প্রভাব ও মঙ্গলের অদ্বিতীয় আকর স্বরূপ পরমেশ্বরের জ্ঞান লাভে অসমর্থতা প্রযুক্ত সেই সেই বস্তুকেই ভক্তি ও অর্চনা করিতে প্রবৃত্ত হইতেন। অদ্যাপি ভারতবর্ষের সর্বস্থানে তাহার ভূরি ভূরি নিদর্শন বিদ্যমান রহিয়াছে। ভক্তি প্রভৃতি যে সকল মনোবৃত্তি ধর্মোৎপত্তির মূল কারণ, তাহা সকল কালে সকল ব্যক্তিতেই

থাকে, যথোচিত বুদ্ধি-পরিপাক না হইলে ল-
কল-মঙ্গলালয় পরমেশ্বরে নিবেদিত হয় না।

এইরূপ, ধর্ম-প্রযোজক পণ্ডিতদিগের
প্রকৃতির ইতর বিশেষ ও পরস্পর মত-ভেদের
আর এক কারণ। যাঁহার জিঘাংসা, আশ্চর্য
ও সাবধানতা বুদ্ধি অত্যন্ত প্রবল, এবং উপ-
চিকীর্ষা ও ন্যায়পরতা বুদ্ধি অতি ক্ষীণ, তিনি
উপাস্য দেবতার ভীষণ স্বরূপ প্রতিপাদন ক-
রিয়া লোকদিগকে অতিশয় ভয় চিত্তে উপা-
সনা করিবার বিধি দিতে পারেন, কিন্তু উ-
পাস্য ও উপাসক উভয়েরই দ্বারা ও ন্যায়প-
রতা গুণ বিষয়ে তাঁহার সম্যক দৃষ্টি থাকে।
সম্ভাবিত বোধ হয় না। এমন ব্যক্তিই ইহঁত
দেবতার তত্ত্বার্থে বলিদান দিবার উপদেশ
দিতে পারেন, এবং কহিতে পারেন, বিবিধ উপা-
সনার দেবতার অর্চনা করিলেই তিনি স-
মুদায় দোষ নাজ্জনা করেন, ও সকল অতীত
মিষ্ট করেন। তত্ত্ব-শাস্ত্র-প্রকাশকদিগের কাম,
জিঘাংসা ও বুদ্ধি বুদ্ধি যে অত্যন্ত প্রবল
ছিল, তাহার সংশয় নাই। কিন্তু যাঁহার
ভক্তি, উপচিকীর্ষা ও ন্যায়পরতা বুদ্ধি প্রবল
থাকে, ও নিরুদ্ভাববুদ্ধি সমুদায় তাহারদের

৪ ধর্ম বিষয়ক নিয়ম লঙ্ঘনের কল
বশবর্তি হয়, তাঁহার প্রদীত ধর্মশাস্ত্রে অব-
শ্যই অন্য প্রকার হয়।

বাহ্য বস্তু সমুদায়ের যেকোন শৃঙ্খলা ও
আমারদের মনের যেকোন প্রকৃতি, তাহাতে স-
মুদায় মনোবৃত্তির প্রয়োজন বন্ধা করিয়া
এবং বুদ্ধিবৃত্তি ও ধর্মপ্রবৃত্তির প্রাধান্য স্বী-
কার করিয়া তদনুযায়ি ব্যবহার করিলে মুখ
স্বচ্ছন্দতা লাভ হয়, আর তাহার অন্যথা-
চরণ করিলেই দুঃখ ঘটনা হয়। যে স্থলে অ-
ন্যান্য মনোবৃত্তির সহিত বুদ্ধিবৃত্তি ও ধর্ম-
প্রবৃত্তির বিরোধ উপস্থিত হয়, সে স্থলে শে-
ষোক্ত প্রধান বৃত্তিদিগেরই উপদেশ গ্রহণ
করা আবশ্যিক। বুদ্ধিবৃত্তি ও ধর্মপ্রবৃত্তির
অন্তঃস্বর উপদেশ গ্রহণ করিয়া তদনুযায়ি আ-
চরণ করিলে অন্তঃকরণ প্রশান্ত ও প্রকৃত হয়,
এবং নানা প্রকার সাংসারিক মুখ উপপন্ন
হয়। আর তাহার বিরুদ্ধ ব্যবহার করিলে
সেই সমস্ত পরন মুখ সত্তোষে বঞ্চিত হইয়া
আন্তরিক যন্ত্রণা ও সাংসারিক ক্লেশ ভোগ
করিতে হয়।

বুদ্ধিবৃত্তি ও ধর্মপ্রবৃত্তির আদেশানু-
যায়ি কার্য্য করিবার পর ক্রমেই মনে মনে প-

রম্য পরিচোদন জন্মে । যখন আমাদের
কোন মনোবৃত্তি অন্যান্য বৃত্তির সহিত সমঞ্জ-
সীভূত থাকিয়া স্বকীয় বিবর ভোগে চরিতার্থ
হয়, তখন তাহা অশেষ সুখের উৎস স্বরূপ
হইয়া অনর্গল আনন্দ নীর নির্গত করিতে
থাকে । অপভ্রামেহ, আসক্তগিঞ্জা, অর্জুন-
স্পৃহা, নির্নিমিৎসা, লোকানুরাগপ্রিয়তা, আত্মা-
দর প্রভৃতি নিকৃষ্টপ্রবৃত্তি সমুদায় ধর্মপ্রবৃ-
ত্তির বর্ণবর্তি থাকিয়া চরিতার্থ হইলে সুখ-
মাগরে মগ্ন হইতে হয় । তেজস্বিনী উপ-
চিকীর্ষা বৃত্তিকে তৃপ্ত করিয়া—কুখার্তকে অন্ন
দান, তৃকার্তকে জল দান, অজ্ঞানকে জ্ঞান দান,
নিরাশ্রয়কে আশ্রয় প্রদান এবং ভ্রাতৃ স্বরূপ
স্বদেশীয় লোকের দুখে মোচন ও সুখ সা-
ধন করিয়া—দয়াবান্ দাতার উদার-চিত্ত আ-
নন্দামৃত রসে অভিষিক্ত হইতে থাকে । অ-
শেষ-শুণ্যায় অত্যাশ্চর্য্য-স্বরূপ পরাৎপর
পরমেশ্বরের ঐশ্বর্য্য ও মহিমা অংগোচনা
করিলে ভক্তি ও অশ্চর্য্য বৃত্তি পরম পরিতৃপ্ত
হইয়া চিত্তভূমিতে যেকণ অপরিপাক সুখামৃত
বর্ণন করে, তাহা বাক্য-পথের অতীত । বুদ্ধি-
বৃত্তির চালনাতেই বা কত সুখের উৎপত্তি

৬ ধর্ম বিষয়ক নিয়ম লঙ্ঘনের ফল

হয়! জগতের স্বাভাবিক স্রোতা দর্শন, সুমধুর
সঙ্গীত শ্রবণ ও কাব্যগীত-রসাস্বাদন করিয়া
অন্তঃকরণ কেমন প্রকুল হয়! আর সেবা-
বি বুদ্ধিমান ব্যক্তির। জ্ঞানরত্নের অক্ষয়
ভাণ্ডার স্বরূপ বিবিধ প্রকার বিজ্ঞান শা-
স্ত্রের অনুশীলনে প্ররুত হইয়া যেকপ বিমল
আনন্দ লাভ করেন, তাহা অন্যের অনুভব
করিবার সামর্থ্য নাই। এইরূপে, সকল-মঙ্গলা-
লয় পরমেশ্বর আমারদিগের মনোবৃত্তি-চা-
লনার পুরস্কার স্বরূপ প্রচুর সুখ নির্দিষ্ট
করিয়া দিয়াছেন; আমরা আপনাদিগের
নিরুক্ত প্রবৃত্তি সমুদায়কে বুদ্ধিবৃত্তি ও ধর্মপ্রবৃ-
ত্তির সহিত সমঞ্জসীভূত করিয়া চালনা করি-
লেই তাহা লাভ করিতে পারি, নতুবা তাহাতে
বঞ্চিত হইতে হয়। এপ্রকার প্রগাঢ় দুঃখ
সন্তোষে বঞ্চিত হওয়া সামান্য কঠির বিষয়
নহে; ইহাকে আমরাদের বর্ধোচিত চিন্তা-
চালনার ক্রটি নিমিত্তক দণ্ড স্বরূপ জ্ঞান করা
উচিত। যদি ধর্ম-বিষয়ক নিয়ম লঙ্ঘন ক-
রিলে অন্যান্য প্রকার অনিষ্ট ঘটনানা হইত,
তথাপি ধর্ম-জন্য সুখের অপ্রাপ্তিকেই তা-
হার সমুচিত শাস্তি স্বরূপ বলিয়া স্বীকার

করা উচিত হইত ! কিন্তু এপ্রকার দুখ ভোগে বঞ্চিত হওয়া যে দারুণ ভূতগোত্র বিষয়, তাহা অনেকেরই বিবেচনা করেন না। যেকোন, চিররোগী ব্যক্তি পারীৱিক-স্বাস্থ্য-জনিত অপূর্ণ সুখের স্বাদভ্রমে সন্মত আছে, সেই প্রকার, ধর্ম রূপ নির্মল নীরে চিত্তকে বোভ করিয়া ধর্মাম্মা ব্যক্তি যেকোন অনিচ্ছাচরীয়া আনন্দ অনুভব করেন, ইতর ব্যক্তি তাহা কখনই পারে না। কারণ তাহার অস্তিত্ব চিত্ত অধর্ম রূপ রোগে আক্রান্ত হইয়া চির জীবন অসুস্থ হইয়া রহিয়াছে। অত্যাপি মনুষ্যেরা আপনাদিগের স্বভাব-মিলিত ধর্ম-বিষয়ক নিয়ম সমুদায়ের বধার্থ তত্ত্ব অবগত হইতে পারেন নাই, সুতরাং তাহা পালন করিলে কি পর্যন্ত সুখোৎপত্তি হইতে পারে ও লঙ্ঘন করিলেই বা কত সুখে বঞ্চিত হইতে হয়, তাহা জ্ঞাত নহেন। তাহা সদাক্ রূপে জ্ঞাত হইতে হইলে আপন প্রকৃতি, বাহ্য বিষয়ের স্বভাব, তাহারদের পরস্পর সম্বন্ধ, এবং পরমেশ্বরের সনিত আমাদের যেকোন সম্বন্ধ নিকপিত আছে, এই সমস্ত শিক্ষণ করা আবশ্যিক। এই সকল বিষয়ের অনুদধান করিলে যে সমস্ত

৮ ধর্ম বিষয়ক নিয়ম লঙ্ঘনের কল

যথার্থ তত্ত্ব জ্ঞাত হওয়া যায়, তাহাতে স্পষ্ট প্রতীতি ও দৃঢ় বিশ্বাস না জন্মিলে, আমাদের মনোবৃত্তি সমুদায় কৃতি সহকারে অপ্রতিহত ভাবে স্ব স্ব বিষয় ভোগে সচেষ্ট হইতে সমর্থ হয় না, এবং আপনারদের চরিতার্থতা সাধনের যথেষ্ট স্থলও প্রাপ্ত হয় না। মোকের শারীরিক নিয়ম লঙ্ঘন হওয়াতে কোন দেশে মরক উপস্থিত হইলে, তথাকার অজ্ঞানি মনুষ্যেরা তাহা পরমেশ্বর-প্রতিষ্ঠিত নিয়ম লঙ্ঘনের অতিকল বিবেচনা না করিয়া তাহার অনির্দেশ্য বিড়ম্বার কল মনে করে। ইহাতে তাহারদের বুদ্ধিবৃত্তি ও ধর্মপ্রবৃত্তি সন্ধ্যাক্ চরিতার্থ হয় না। এই দুর্বটনার কারণ ও তৎ প্রতীকারের উপায় নিরূপণ করিতে না পারিয়া বুদ্ধিবৃত্তি ক্ষুব্ধ থাকে, পরমেশ্বরের মঙ্গল স্বরূপে সংশয় জন্মিয়া ভক্তি বৃত্তির চরিতার্থতা সাধনের ব্যতিক্রম ঘটে, এবং বিশ্বাধিপের বিশ্ব-রাজ্যের শাসন-প্রণালীতে নানা প্রকার অনিয়ম ও বিশৃঙ্খলা কল্পনা করিয়া ন্যায়পরতা বৃত্তি অতি অতৃপ্ত থাকে। যাহারা জগদীশ্বরের মুকৌশল-সম্পন্ন পরম সুন্দর নিয়ম সমুদায় শিক্ষা না

ধর্ম বিবরণক মিয়ম লঙ্ঘনের কল ৯

করিরাহে, এবং তাহা পুনঃ পুনঃ লঙ্ঘন করিয়া
তাহার প্রতিফল স্বরূপ অশেষ যন্ত্রণা ভোগ
করিতেছে, ও যাহারা আপনারদিগের উপা-
স্য দেবতাদিগকে বিকটাকার ও ভ্রুঙ্ক-সভ্য
বলিয়া বিশ্বাস করে, পরমেশ্বরের নজর স্বরূ-
পে তাহারাдиগের প্রত্যয় হওয়া কিপ্র-
কারে সম্ভাবিত হইতে পারে? ইন্দ্রের
যথার্থ স্বরূপ জ্ঞানিলে এবং তাঁহার নিয়-
মানুসারে কার্য্য করিলে অনুযায় জ্ঞান
ও ধর্মরূপ গভীর উৎস হইতে যে কত সুখ-
বান্না নিঃসারিত হইতে পারে, তাহারা তা-
হার আভ্যাসও পার না। কিন্তু তাহারাди-
গের এ বোধ নাই বলিয়া কদাপি ঐশিক নি-
য়মের অন্যথা হইতে পারে না,—জন্মান্ত
ব্যক্তিদিগের দর্শন-শক্তি নাই বলিয়া চকু-
দ্বান্ ব্যক্তিদিগের দৃষ্টি-মুখ সন্তোষের ব্যাভ-
ক্রম ঘটিতে পারে না।

ইহা বলা বাহুল্য, যে জগদীশ্বরের স্ব-
রূপ ও অভিপ্রায় না জ্ঞানিলে, সর্ব্বতোভাবে
তাঁহার নিয়মানুযায়ি কার্য্য করা সম্ভাবিত
নহে। এই অধিল সংসার রূপ ভ্রম-শূন্য
প্রগাঢ় ঘোর আলোচনাই পরমেশ্বরের স্ব-

১০ ধর্ম বিষয়ক নিয়ম লঙ্ঘনের কল

রূপ বিষয়ক জ্ঞান লাভের অধিতীয় উপায়।
অতএব, তিনি যে সকল নিয়ম সংস্থাপন করিয়া
বিশ্বরাজ্য পালন করিতেছেন, তাহা বিশিষ্ট-
রূপে শিক্ষাকরা আবশ্যিক। যাহারা ঘোর-
তর অজ্ঞান তিনিরে আবৃত থাকিয়া অহরহঃ
পরমেশ্বর-প্রতিষ্ঠিত পরম শুভকর নিয়ম সমু-
দায় লঙ্ঘন করিয়া দুঃখ ভোগ করিতেছে,
তাহারদিগের অন্তঃকরণে জগদীশ্বরের যথার্থ
স্বরূপ পরিষ্কৃত রূপে স্ফূর্তি পাওয়া কোন
ক্রমেই সম্ভাবিত নহে। প্রত্যুত, যে সকল
ব্যক্তি অপেক্ষাকৃত জ্ঞানাপন্ন হইয়া তাঁহার
নিয়ম প্রতিপালন পূর্বক দুঃখ বর্জন ও মুখ
সম্ভোগ করেন, পরম মঙ্গলালয় পরমেশ্বরের
অপার মাহাত্ম্য ও নির্মল মঙ্গল স্বরূপে তাঁ-
হারদের অপেক্ষাকৃত অধিক প্রত্যয় জানে
তাহার সম্ভেদ নাই। ১৫ পরিমাণে বি-
শ্বত্ৰফ্টার বিশ্ব-কার্য-বিষয়ক নিয়ম সমুদায়
নিরূপিত হইবেক, ৩৫ পরিমাণে তাঁহাকে মহৎ
ও পূর্ণ-স্বরূপ বলিয়া স্পষ্টরূপে বোধ হইতে
থাকিবেক। এদেশীয় সর্ব-সাধারণ লোকে
এখনকার প্রচলিত ধর্ম্মানুসায়ে ঈশ্বরকে অতি
কুদ্র ও অপূর্ণ-জ্ঞান স্থির করিয়া এই প্রকার

বিশ্বাস করেন, যে তিনি মনুষ্যের ন্যায় স্থূর্তি-
জান, ভুলোকের ভার মোচনার্থে মধ্য মধ্য
অবতীর্ণ হইয়া থাকেন, ও অবতীর্ণ হইয়া
কখন কখন পাপাসক্ত মনুষ্যের ন্যায় অবি-
হিত কর্ণেও প্রবৃত্ত হইবেন, আর জঘন্য ছদ্ম
করিয়া ও তাঁহার পূজা, স্তুতি ও এগতি করিলে,
তিনি এসম হইয়া ক্ষমা করেন, ও তাঁহার অ-
র্চনানা করিলে কোপাশ্রিত হইয়া অশেষ ক্রোধ
প্রদান করেন। ইত্যাকার নানা প্রকার
অপবাদ দিয়া যে তাঁহার পরাৎপর পর-
মেশ্বরের নিষ্কলঙ্ক স্বরূপে দোষারোপ করেন,
ইহাতে তাঁহারদের বিবেচনায়ই জুটি স্বী-
কার করিতে হয়। কিন্তু এক্ষণে নানা প্রকার
বিদ্যা প্রচার দ্বারা লোকের জ্ঞানোদ্যেক হই-
বার সম্ভাবনা হইতেছে,—শীঘ্রই কাল বিদ-
য়ে অজ্ঞান রূপ তামসী নিশার অবসান হই-
বার উপক্রম হইতেছে। অগ্নীশ্বর-প্রসাদে যৎ
পরিমাণে বিদ্যা জ্যোতি বিকীর্ণ ও মানব প্রকৃ-
তির সহিত বাহ্য বস্তুর সম্বন্ধ নিকৃপিত হইবেক,
তৎ পরিমাণে তাঁহার পরাৎপর পরিপূর্ণ
নিষ্কলঙ্ক স্বরূপ স্পষ্টরূপে প্রকাশ পাইবেক,
এবং তৎপরিমাণে তাঁহার নিয়ম লঙ্ঘন নিবা-

১২ ধর্ম বিবরণ নিয়ম লজ্জনের কল

রিত হইয়া লোকের ছাখ জ্ঞান ও সুখোন্নতি
হইতে থাকিবেক।

অনেকে পরমেশ্বরের বিশেষ প্রসন্নতা
লাভের আকাঙ্ক্ষায় সকল আশ্রমের সারভূত
সংসারপ্রম পরিত্যাগ করিয়া সম্যগি হ-
য়েন। কিন্তু তাহাতে যে পরম পিতা পর-
মেশ্বরের আজ্ঞা লঙ্ঘন করা হয়, এবং তন্নি-
মিত্তে তাঁহার নিকট অপরাধী হইতে হয়,
ইহা তাঁহারা বিবেচনা করেন না। আমার-
দিগের মানাসক প্রকৃতির বিষয় বিচার করিয়া
দেখিলে স্পষ্ট প্রতীতি হয়, যে আমাদের
যত নমোবৃত্তি আছে, তাহার অধিকাংশ
কেবল পৃথিবীর কার্য সাধনার্থেই নিয়োজিত
হইয়াছে। বুভুক্ষা, কাম, অপত্যস্নেহ, প্রতি-
বিধিৎসা, নির্গমিৎসা, অর্জনস্পৃহা, জুগো-
পিয়া, সাবধানতা প্রভৃতি নিকৃষ্ট প্রবৃত্তি এবং
পরিমিতি, আকারানুভাবকতা, কালানুভাব-
কতা, স্থরানুভাবকতা এবং সংখ্যা ও ভাষা-
শক্তি প্রভৃতি বুদ্ধিবৃত্তির সহিত ভ্রমগুলের
অতিনৈকট্য অথবা সম্বন্ধ রহিয়াছে। পরীর
রক্ষার্থে বুভুক্ষা, জীবপ্রবাহ রক্ষার্থে কাম,
সন্তান প্রতিপালনার্থে অপত্যস্নেহ, বিপদ্রকার

ও প্রতিবন্ধক নিরাকরণার্থে প্রতিবিধিৎসা,
 গৃহ নির্মাণ ও বস্ত্রবয়নাদির নিমিত্তে নির্মা-
 মিৎসা, নিবাস নিরূপণার্থে বিবৎসা, ভাবি
 দুর্ঘটনা নিবারণার্থে সাবধানতা ইত্যাকার
 সকল মনোবৃত্তিই ভুলোকের এক এক কার্য
 সাধনার্থে সৃষ্ট হইয়াছে, এবং এই পৃথি-
 বীতেই তাহারদের সম্যক্ উপযোগিতা
 আছে, তাহার সন্দেহ নাই। অতএব, এই
 পৃথিবীতে তাহারদিগকে বণোচিত চরিতার্থ
 করিবার চেষ্টা না পাইয়া অন্যথাচরণ করি-
 লে, জগদীশ্বরের অনুমতির বিরুদ্ধাচরণ করা
 হয়। আমারদের আশা, ভক্তি, উপঢিকীর্ষা,
 শোভানুভাবকতা ও ন্যায়পরতা প্রভৃতি কতি-
 পয় উৎকৃষ্ট প্রবৃত্তি পরলোকেও চরিতার্থ
 হইতে পারে, এবং কোন ভাবি অবস্থাতেও
 তাহারদের উপযোগিতা থাকিতে পারে।
 কিন্তু পরম সৎসারক পরমেশ্বর ইহলোকেও
 লোকের হৃদে নিবারণার্থে ও ভ্রমশূলকে
 বিমল সুখের আনয় করিবার নিমিত্তে যে
 তাহারদের সৃষ্টি করিয়াছেন, এবং তদনুসারে
 এই অবনিমণ্ডলেও যে তাহারদের অত্যন্ত
 উপযোগিতা আছে, তাহার কোন সংশয়

১৪ ধর্ম বিবয়ক নিরম লঙ্ঘনের কল

নাই! যৎ পরিমাণে আমারদের মানব প্রকৃতি ও বাহ্যবস্ত্র বিবয়ক জ্ঞান বৃদ্ধি হইবেক, তৎ পরিমাণে পৃথিবীর সহিত আমারদের মনোবৃত্তি সমুদায়ের সামঞ্জস্য বিবয়ক জ্ঞানেরও আধিক্য হইতে থাকিবেক, এবং তৎ পরিমাণে আমরা পরাৎ পর পরমেশ্বরের পরমোৎকৃষ্ট পরিশুদ্ধ স্বরূপ অবগত হইয়া আমারদের বুদ্ধিবৃত্তি ও ধর্মপ্রবৃত্তি সমুদায়কে চরিতার্থ করিতে থাকিব। ফলতঃ, যখন চক্ষুর সহিত জ্যোতির্বিবয়ক নিয়মের, এবং কর্ণের সহিত বায়ু বিবয়ক নিয়মের সম্পূর্ণ একা আছে, তখন আমারদের বুদ্ধিবৃত্তি ও ধর্মপ্রবৃত্তির সহিত বাহ্য বস্ত্র সমুদায়ের তদনুরূপ একা না থাকা কোন ক্রমেই সম্ভাবিত নহে।

সমুদায় মনোবৃত্তিরই এই স্বভাব, যে সমধিক তেজস্বী হইয়া উৎসাহ পূর্বক চালিত হইলেই প্রচুর সুখ প্রদান করে, নিস্তেজ ও নিশ্চেষ্ট হইলে সে রূপ সুখোৎপাদনে অসমর্থ হয়। অতএব, শারীরিক অঙ্গ প্রত্যঙ্গের ন্যায় মনোবৃত্তিরও তেজো-বাহুল্য এবং উৎসুক্য সহকারে চালনা এই

উভয়ই আমাদের সুখের কারণ। স্বাভাবিক শক্তির স্বাভাবিক অস্পষ্টতা বশতঃ বা-
হার কিছুমাত্র স্বর-জ্ঞান ও রাগিরাগিণী বোধ
নাই, তাহার সুখ প্রাপ্তির এক প্রধান পথ
রুদ্ধ রহিয়াছে। সেইরূপ, বেভাগ্যবান্ ব্য-
ক্তির বুদ্ধিরূপে স্বভাবতঃ প্রথরা থাকে, ও বি-
দ্যানুশীলন দ্বারা উত্তমরূপে মার্জিত হয়,
তিনি তাহা প্রবলরূপে চালনা করিয়া যে রূপ
অসামান্য আনন্দ অনুভব করেন, চেষ্টারহিত-
মন্দ-বুদ্ধি ব্যক্তির। কখনই তাদৃশ সুখের
বাদ গ্রহে সমর্থ হয় না। তাহার। স্বীয় প্রকৃতি
ও বাহ্যবস্তুর সহিত তাহার সম্বন্ধ নিকপনে অ-
শক্ত প্রবৃত্ত শারীরিক ও মানসিক নিয়ম লঙ্ঘ-
ন করিয়া তাহার প্রতিকূল স্বরূপ অশেষ রেশ
ভোগ করে, এবং বুদ্ধিরূপে চালনার অভ্যাস
না থাকাতে বিস্তর দুখে বঞ্চিত হয়। বিশে-
ষতঃ, সৃষ্টি-ক্রিয়ার আলোচনা করিয়া সৃষ্টি-
কর্তার স্বরূপ নিকপণ করাও মহীরসী বুদ্ধিব-
ক্তির কার্য্য। বাহারা মুশিক্ষা প্রাপ্ত না
হইয়া আপনারদের বুদ্ধিকে অমার্জিত রাখে,
এবং সুতরাং পরম সুন্দর বিশ্ব-কোশল প্র-
তীতি করিতে, এবং তদ্বারা বিশ্বাধিপের অ-

১৬ ধর্ম বিষয়ক নিয়ম লঙ্ঘনের কল

জ্যেষ্ঠ আশ্চর্য্য মহিমার আলোচনা করিতে
অসমর্থ হয়, তাহারদিগকে বহুবিধ নি-
র্মল আনন্দ লাভে বঞ্চিত থাকিতে হয়। প-
রমেশ্বর-পরায়ণ বিদ্যাবান্ ব্যক্তির। এই অ-
খিল সংসার রূপ মহারাজ্যের এক এক পরম
শুভকর নিয়ম অবগত হইয়া যে প্রকার প্র-
গাঢ় মুখ প্রাপ্ত হইলেন, কুসংস্কারাবিষ্ট মুঢ়
লোকের ভাগ্যে তাহা কখনই ঘটে না।
তাহারা শাস্ত্র বিশেষের অন্যান্যনুসারে কা-
ল্পনিক দেবতাদিগের কল্পিত চরিত্র প্রব-
ণেই আপনাদিগকে চরিতার্থ বোধ করে।
তাহারা নিখিল ব্রহ্মাণ্ড রূপ অখণ্ডা অজ্ঞাত
শাস্ত্রে অধিকারি হইয়া, সুতরাং তাহার আ-
লোচনার যে অপার আনন্দের উদ্ভব হয়,
তাহার আনন্দন মাত্রও প্রাপ্ত হইয়া না। অ-
তএব, পরমেশ্বর প্রসন্ন হইয়া তাহারদিগকে
যে সকল বুদ্ধিবৃত্তি ও ধর্মপ্রবৃত্তি প্রদান করি-
রাছেন, তাহার কতক বৃত্তি এ অংশে বিকল
হয়।

এই রূপ যে সকল পাপিষ্ঠ নরাধম ধর্ম-
প্রবৃত্তির উপদেশ অবহেলা করিয়া অন্যথা-
চরণ করে, তাহারদের শত শত প্রকার প্র-

সিদ্ধ শান্তির বিষয় দূরে থাকুক, তাহারমি-
পের যে ধর্মপ্রবর্ত্তি চালনার কল কল পরম
পবিত্র সুবাসাদনে অবিকার হয় না, ইহাও
তাহারদের সামান্য শান্তি নহে। নিজেদের
সার্বব্যক্তি আপনাকে নিষ্কাপ জানিয়া যেকপ
আত্ম-প্রসাদ ও শান্তি সুখ লাভ করেন, পর-
মেত্ম-পরায়ণ জ্ঞানাপন্ন ব্যক্তি লগ্নদীপ্তরের
বিচিত্র শক্তি, আশ্চর্য্য জ্ঞান ও অগার মজনা-
তিপ্রায়ের আলোচনায় অস্তঃকরণ সমর্পণ ক-
রিয়া যেকপ অনির্বচনীয় আনন্দ অনুভব ক-
রেন, এবং পরহিতার্থী দয়ালীন ব্যক্তি দুঃ-
খিকে অন্ন দান, রোগিকে ঔষধ প্রদান এবং
অসুখানিকে জ্ঞান দান করিয়া যেপ্রকার প্রগাঢ়
হর্ব প্রাপ্ত করেন, তাহার আশ্বাস গ্রহণের
সামর্থ্য লাভ করি কি সামান্য দুঃখের বিষয় ?
যখন কোন নিরাশ্রয় জনাথ ব্যক্তি ক্রতজতা
রসে আত্ম হইয়া হতভোক্তালন পুত্রক তাঁ-
হাকে একান্ত নম্র আশীর্বাদ করে, অথবা
মতি ধীন শিশু-ধীন বালক তাঁহার কৃপা লাভ
করিয়া আপনাব মনিন মুখের হাস্য দ্বারা
মনের পরিতোষ প্রকাশ করে, এবং আন-
ন্দাঙ্গ বিসর্জন করিয়া নরন মুগল সজ্ঞ ও

১৮ ধর্ম বিবয়ক নিয়ম লঙ্ঘনের কল

উজ্জ্বল করে, তখন তাঁহার কি অনুপম মনো-
রম সুখেরই উদয় হয়। যিনি চিরজীবন
মধ্যে একপ একটী পুণ্য কর্মও করিয়াছেন,
তাঁহার সুখ-মরোবর কখনও নিঃশেষে শুষ্ক
হয়না। তিনি যখন তাহা স্মরণ করেন, তখ-
নই তাঁহার অন্তঃকরণ মুখামৃত রসে অভি-
বিক্ত হয়। বহুস্ত-রোপিত বৃক্ষ তুল্য নিত্য
প্রতিপালিত আশ্রিত ব্যক্তির মঙ্গলবার্তা গ্রহণ
করিলে কত আনন্দই হয়। যিনি স্বয়ং জল-
তরঙ্গে গতিত হইয়া তথা হইতে কোন সু-
স্থ বক্তিকে উদ্ধার করিয়াছেন, বা দহমান
গৃহে প্রবেশ করিয়া কাহারও প্রাণ রক্ষা
করিয়াছেন, তিনি তাঁহার মুখাবলোকন ক-
রিলে কেমন পুলকিত হয়েন। পুণ্য-ক্রিয়ার
সঙ্কল্পে সুখ, অনুষ্ঠানে সুখ, এবং অনুষ্ঠান
করিলে পরে তাহার আলোচনাতেও সুখো-
দয় হয়। যে পাপাসক্ত ছুরাচারের এ-
মন সুখ-ভাণ্ডারে বঞ্চিত হয়, তাহারদের
কর্মানুযায়ী শাস্তি প্রাপ্তির আর কত অবশিষ্ট
থাকে?

আর, ধর্ম বিবয়ক নিয়ম সমুদায় পালন
করিলে নাৎসারিক উপকার দর্শে, এবং

লজবন করিলে নানা প্রকার অনিষ্ট ঘটনা থাকে। ধর্মচরণে যে সাংসারিক সুখোৎপত্তি হয়, ইহা বলা বাহুল্য। দেখ, উপচিকীর্ষা, ব্যাপরতা, ভক্তি ও বুদ্ধিবৃত্তির প্রাধান্য রাখিয়া অপরিসরস্থ সকল ব্যক্তির সহিত সদ্ব্যবহার করিলে কেমন প্রীতির পাছ ও সমাদর ভাজন হওয়া যায়! যদি আমরা পুত্র ভৃত্যাদির প্রতি যেন, দয়া ও বাৎসল্য প্রকাশ করি, তবে তাহারা আপন হইতেই আমারদের প্রতি অকপট প্রীতি প্রদর্শন করে, এবং একুজ চিত্তে অতিশয় আগ্রহ প্রকাশ পূর্বক আমারদের আজ্ঞা পালন করে। একবার পিতা বা প্রভু কখনই অন্যায় ও অসাধ্য কর্মে অনুমতি করেন না, সুতরাং তাঁহার কার্য সাধনে তাহারদের বিরক্তি হয় না। ধর্মশীল মিত্রের আদরের সীমা কি! তাঁহার মিত্রেরা তাঁহার প্রেমামৃত রসে স্নান কর, তাঁহাকে যথা বদন দিয়া বিশ্বাস করিতে পারে, এবং তাঁহার মুখাবলোকন ও তাঁহার সহিত সলালাপ করিয়া অতুল আনন্দ অনুভব করে। বৈদ্য, বশিক ও রাজকীয় কর্মচারিদিগের

২০ ধর্ম বিষয়ক নিয়ম লঙ্ঘনের ফল

বুদ্ধিবৃত্তি ও ধর্মপ্রবৃত্তির প্রধানানুযায়ি ব্যবহারে অভ্যাস পাওয়া অশেষ উপকারের হেতু। তাহা হইলে তাঁহারা লোকের বিশ্বস্ত ও আদরণীয় হইবেন, এবং তাঁহাদের দ্বীয় ব্যবসায়েরও ধোরব ও উন্নতি হইতে পারে।

পরমেশ্বর এক এক ব্যক্তির এক এক প্রকার বুদ্ধিবৃত্তি অপেক্ষাকৃত প্রবল করিয়াছেন। অতএব, সকলে এক এক প্রকার কর্ম সাধনে নিযুক্ত থাকিলেই সংসারের সমুদয় কার্য সুচারুরূপে সম্পন্ন হইতে পারে। এই পরমেশ্বর-প্রতিষ্ঠিত স্বাভাবিক নিয়মই ভুলোকে বিবিধ প্রকার ব্যবসায় সংস্থাপিত হইবার মূল কারণ। “আমি মনুষ্যবর্গের প্রয়োজন সাধন ও দুঃখ দূরীকরণার্থে পরিশ্রম করিতেছি” এই মনে করিয়া যে কৃষক ও শিল্পকার কার্য করে, এবং “ক্রেতাদিগের অনিষ্ট না হয় ও তুষ্টি সাধন হয়” এই অভিপ্রায় রাখিয়া যে পরহিতৈষী ব্যক্তি দ্বিতীয় ব্যবসায় নির্বাহ করে, তাহাদেরই প্রধান প্রধান মনোবৃত্তির বিধানানুযায়ি কার্য করা হয়, এবং তাহারা ই সম্যক প্রকারে

৮৪০১ ৮৮ ৪/১০৭

কৃতকার্য হয়। ইহাতে, তাহারদের অর্জিত-
স্বাস্থ্য, বুদ্ধি ও বিশিষ্টরূপ চরিতার্থ হইতে
পারে। বৈদ্য প্রভৃতি লোকেরই প্রতি এই
ব্যবস্থা। বৈদ্য যদি রোগিণী রোগ শাস্তি
মাত্রেই উদ্দেশ্যে তদাত্যন্তঃকরণে চিকিৎসা
করেন, এবং উকীল যদি নিয়োগ কর্তার
মঙ্গল মাত্র অভিপক্ষি করিয়া একান্ত যত্নে
তাঁহার ফর্ম সম্পন্ন করেন, তবে তাঁহারা
স্বয়ং ধর্মপ্রবৃত্তির চরিতার্থতা-জনিত পরম
জানকী প্রাপ্ত হইবেন, এবং যথেষ্ট সমাদর, নি-
র্মল যশ, ও পরিশ্রমেণ পারিতোষিক স্বরূপ
প্রচুর মন উপার্জন করিতে সমর্থ হইবেন।

আমাদের বুদ্ধিবৃত্তি ও ধর্মপ্রবৃত্তির
আদেশানুযায়ী পশ্চাজিহ্বিত নিয়ম আছে দুটি
রাখিয়া রাখা করা সর্বতোভাবে কর্তব্য।

প্রথমতঃ ১—যে ব্যবসায় লোকের হিত-
কারী, তাহাই অবলম্বন করা উচিত।

দ্বিতীয়তঃ ২—যে পরিমাণে পরিশ্রম করিলে
লোকের আয়োজন সম্পন্ন হয়, সেই পরিমাণে
পরিশ্রম করা আবশ্যিক।

তৃতীয়তঃ ৩—যাঁহার যে বিষয়ে অপেক্ষাকৃত
অধিক ক্ষমতা ও অনুরাগ থাকে, তাঁহার

২২ ধর্ম বিষয়ক নিয়ম লঙ্ঘনের ফল

সেই বিষয়ে প্রবৃত্ত হইয়া জীবিকা লাভ করা কর্তব্য।

যদি কোন ব্যক্তির শারীরিক ও মানসিক প্রকৃতি স্বভাবতঃ মুখ ও উৎকৃষ্ট হয়, এবং তিনি যাবজ্জীবন ভৌতিক, শারীরিক ও মানসিক নিয়ম সমুদায় প্রতিপালন করিয়া আইমেন, তবে অন্যায়সেই একথা বলিতে পারা যায়, যে জগদীশ্বর তাঁহার সমুদায় সাংসারিক প্রয়োজন সাধনের যথেষ্ট উপায় করিয়া দিয়াছেন, এবং তাঁহাকে যথা নিয়মে নানাপ্রকার মনোবৃত্তি চালনার সামর্থ্য দিয়া ভিন্নমিত্তক পরম মুখ সন্তোষে বিশিষ্ট রূপ অধিকারি করিয়াছেন।

পরমেশ্বরের নিয়ম প্রতিপালনে প্রবৃত্ত হইবার পূর্বে তাহা শিক্ষা করা উচিত। অতএব, যেমন ভৌতিক ও শারীরিক নিয়ম জানিতে হইলে পদার্থবিদ্যা, রসায়ন, শারীরস্থান ও শারীরবিধান বিদ্যা অধ্যয়ন করিতে হয়, সেই রূপ কোন্ কোন্ ব্যবসায় মনুষ্যের যথার্থ উপকারী এবং কোন্ বিষয়ে কত পরিশ্রম করিলে তাহার ব্যাঘাৎ পুরস্কার প্রাপ্ত হওয়া যায়, এই সমুদায় অবগত হইবার নিমিত্তে

লোকস্বার্থবিধান বিদ্যাও* অব্যয়ন করা
আবশ্যিক। এই বিদ্যা-ব্যবসায়েরা যেমন ধনো-
পার্জননের পথ প্রদর্শন করেন, সেইরূপ
তাহারদের প্রকার উপদেশও প্রদান করা
উচিত, যে কেবল ধন খাওয়াই মানুষের পুত্র
পুরুষার্থ নহে, এবং কেবল ধনেই যে সর্ব-
সাধারণ লোকের সুখ লাভ হয় তাহাও
নহে; জ্ঞান এবং ধর্মই স্থায়ী সুখের মূল।
লোকস্বার্থবিধান বিধির নিয়ম লঙ্ঘন করি-
লে দারিদ্র্য দশা ঘটে, কিন্তু ধর্ম বিধির নি-
য়ম ভঙ্গ করিতে সেই দুঃখের কত দূর বৃদ্ধি
হইতে পারে, তাহাও বিবেচনা করা কর্তব্য।
অপত্যোৎপাদন বিধির নিয়মের লঙ্ঘন
হওয়াতে আর অপেক্ষা সম্বন্ধের সংখ্যা
অধিক হইলে, দুঃখতা এবং তৎপরে দুর্ভিক্ষ
পর্যন্ত ঘটিতে পারে। ইহা দুঃখ লোক-
দিগের যুক্তি-বিরুদ্ধ ব্যবহারের ফল তাহার
সন্দেহ নাই, কিন্তু তাহারদিগের সেই দারিদ্র্য
দুঃখ রূপ দাবানলে নাশ্যমত বাগ্নি সেচন
করা বন্যাদিগের অবশ্য কর্তব্য বলিয়া উপ-
দেশ দেওয়া উচিত। কেবল উপস্থিত দুঃখের

* আর্য্য বিধির বিধিগত শাস্ত্র।

২৪ ধর্ম বিষয়ক নিয়ম লঙ্ঘনের ফল

প্রতীকার করিয়া নিশ্চিন্তে থাকা উচিত নহে, তদনুরূপ ক্রেশ ঘটনা নিবারণার্থে তাহার কারণ সমুদায় নিঃশেষে নিরাকরণ করা সম্ভবতোভাবে কর্তব্য। এইরূপ, যখন যোর সকল অবস্থাতে বুদ্ধি-বৃত্তি ও ধর্মপ্রবৃত্তির প্রাধান্য স্বীকার করিয়া তদনুযায়ি কার্য্য করাই শ্রেয়ঃ, তদ্ব্যতীত চুঃখ নিবৃত্তি ও সুখ বৃদ্ধির আর উপায় নাই।

এক্ষণে প্রায় সকল দেশীর লোকেরই এই প্রকার সংস্কার আছে, যে কেবল ধন, প্রভুত্ব ও বাহু গোড়াতেই সুখোৎপত্তি হয়। যদিও কেহ কেহ জ্ঞান ও ধর্মের প্রাধান্য স্বীকার করিয়া অন্য প্রকার উপদেশ প্রদান করেন, কিন্তু বস্তুতঃ ধনাদি লাভই পরম পূর্ণমার্থ জ্ঞান করেন। কিন্তু ধন, প্রভুত্ব ও বাহু গোড়া আমাদের নিকৃষ্ট প্রবৃত্তির বিষয়, অতএব তদ্বারা কখনও প্রকৃত রূপ সুখপ্রাপ্তি হইতে পারেনা; কারণ বুদ্ধিবৃত্তি ও ধর্মপ্রবৃত্তির উপদেশানুযায়ি ব্যবহার না করিলে সম্ভবতোভাবে সুখী হওয়া কোন ক্রমেই সম্ভাবিত নহে। অনেকেই ধন ও প্রভুত্ব নাহের উদ্দেশে বিষয়কর্মে প্রবৃত্ত হয় এবং প্রবৃত্ত

হইয়া মানা প্রকার অন্যান্য আচরণ পূর্বক
অর্থ উপার্জন করে। ইহাতে, তাহারা
জ্ঞান ও ধর্মোৎপাদ্য বিষয়ক মুখে বঞ্চিত হইয়া
লোকের নিকট অবিশ্বস্ত ও হতমান হয়, ক্রমা-
গত চোর্য ও প্রতারণায় প্রবৃত্ত থাকিলে এক-
বার না একবার ধৃত হইয়া রাজদণ্ডেও দণ্ডিত
হয়, এবং কেহ কেহ আপনার অবিরেচনা ও ছ-
প্পবৃত্তি দোষে গভ-মর্কস্থ হইয়া দারিদ্র্য দশা
প্রাপ্ত হয়। এদেশীয় ভদ্র লোকদিগের মধ্যে
অনেকেরই যেমন আর বিষয়ে ধর্মাধর্ম ও ক-
র্তব্যাকর্তব্য বিবেচনা নাই, সেইরূপ তাঁহা-
রদের ব্যয় বিষয়েও দুরদৃষ্টি ও ন্যায্যন্যায্য
বিচার থাকে না। তাঁহারা চোর্য, উৎকোচ,
প্রতারণাদি নানা প্রকার গর্হিত উপায় দ্বারা
ধন উপার্জন করেন, এবং সুখ্যাতি-লাভ ও
ইন্দ্রিয়-মুখ সন্তোষার্থে দিগ্বিদিক জ্ঞান-শূন্য
হইয়া অকাতরে ব্যয় ব্যসন করেন ও উপা-
র্জিত অর্থ অপেক্ষায় অধিক ব্যয় করাতে
অবশেষে ঋণ-গ্রস্তও হইয়েন। ঋণ-গ্রস্ত হইলে
অবিলম্বে লোকের নিকট লাঞ্চিত ও অপ-
মানিত হইতে হয়। প্রথমে সুখতা ও প্রত্যা-
রণ, পরে ঋণ ও বাতনা, এই চারি শব্দেই

২৬ ধর্ম বিষয়ক নিয়ম লঙ্ঘনের ফল

তাঁহারদের চরিত্র বর্ণনা পর্য্যবসিত হয়। প্রথম তঁাহারা পরোক্ষের আজ্ঞা লঙ্ঘন করেন, শেষে তাহার সমুচিত শাস্তি প্রাপ্ত হইল।

সংসারের সমুদায় দুখেই সাংসারিক নিয়ম লঙ্ঘনের ফল; অতএব তঁাহারা কোন ব্যবসায় অবলম্বন করিয়া অভিমত ফল লাভ করিতে না পারেন, পশ্চাৎস্থিত দুই বিষয় তঁাহারদের কৃতকার্য্য না হইবার প্রধান কারণ, তাহার সন্দেহ নাই। হয়, তঁাহারা যে ব্যবসায় অবলম্বন করেন, তঁাহারদের তদুপযোগি ক্ষমতা না থাকিবেক; নয়, কোন কোন অতিপ্রবল ক্ষমতা প্রযুক্তি তঁাহারদের স্বীয় বৃত্তি বিষয়ক সমুদায় কার্য্যের প্রয়োজন হইয়া থাকিবেক। যদি উকীলদিগের অবলম্বিত ভাষা ও তর্কশক্তি না থাকে, তবে তঁাহারা কখনই স্বীয় ব্যবসায়ের কৃতকার্য্য হইতে পারেন না, এবং যে গায়কের উত্তমরূপ কালানুভাবকতা ও শ্রুতানুভাবকতা শক্তি নাই, ও যে চিত্রকরের বর্ণানুভাবকতা, শোভানুভাবকতা, নির্দিষ্টমিমা ও অনুচিকীর্বা বৃত্তি অতিক্রম, তঁাহারা নিজ নিজ বৃত্তি দ্বারা সমধিক অর্থ উপার্জন ও খ্যাতি অতিপ্তি লাভ ক-

রিতে সমর্থ হয়েন না। আর তাহারদিগের
 খারীরিক প্রকৃতি কেবল শ্লেষ-প্রধান, তাহা-
 রদিগের মনোরুতি সকল কোন বিষয়ে তৎ-
 পরতা ও উৎসাহ সহকারে ব্যাপ্ত থাকিতে
 পারে না। ইহাতে তাহারদিগের ব্যবসায়ের
 বিলম্ব হানি সম্ভব। এইরূপ, পার্থ না-
 থন মাত্র আমাদের ব্যবসায় নির্বাহের
 উদ্দেশ্য হইলেও অনেকে ঘটনা হয়। যে
 চিকিৎসক কেবল মুখা-সংখ্যার উপর দৃষ্টি রা-
 খিয়া কার্য করে, সুতরাং যে স্থানে যত এলি
 মুখা হস্তগত হয়, সে স্থানে তদনুযায়ি ব্যবহার
 করে; আর যে চিকিৎসক ব্যায়পরতা ও
 উপচিকীর্ষাদি ধর্মপ্রবৃত্তির প্রশংসা হইয়া
 রোগির প্রতীকার উদ্দেশে চিকিৎসা করেন,
 রোগী ব্যক্তি এই উভয়ের ঞ্জাঙন এক কটা-
 ক্ষেই বুঝিতে পারেন। তিনি দেখিতে পা-
 য়েন, চিকিৎসকের বুদ্ধিবৃত্তি উপচিকীর্ষাদি
 ধর্মপ্রবৃত্তি দ্বারা নিযোজিত হইলে, রোগির
 শরীরের ভাব ও প্রয়োজনাপ্রয়োজন যেমন
 স্পষ্টরূপে বোধ হয়, কেবল অর্জনস্পৃহাদি নি-
 রুক্ত প্রবৃত্তি দ্বারা প্রবর্তিত হইলে, সে রূপ কথ-
 নই হয় না। অতএব, তিনি ব্যায়বান্ পরোপ-

২৮ ধর্ম বিষয়ক নিয়ম লঙ্ঘনের ফল

কারি চিকিৎসকে নিযুক্ত করিতে পারিলে, স্বার্থপরায়ণ কুটিল-স্ভাব বৈদ্যকে কখন চাহেন না। একপেও অনেকানেক স্বার্থপর ব্যক্তির জীবিকা নির্বাহের ব্যতিক্রমঘটে।

এই সমুদায় উদাহরণ দ্বারা প্রতীত হইতেছে, যে ব্যবসায়ের হানি হওয়াও প্রাকৃতিক নিয়ম লঙ্ঘনের ফল। কিন্তু সংসারের যেকোন স্বরূপ, তাহাতে পদে পদে একের দোষে অন্যের অপকার হইয়া থাকে। বণিকদিগের আপনার অমৈপুণ্য ও অবিবেচনা এবং অংশি ও কর্মচারিদিগের অপটুতা ও বিশ্বাসঘাতকতা, উভয় কারণেই ক্ষতি ও অসন্তোষ হইতে পারে। জন-সমাজে পরস্পর সমবেত চেষ্টা করিয়া বিস্তর কার্য নির্বাহ করিতে হয়। যে সকল নির্দিষ্ট নিয়মানুসারে সে সমুদায় সম্পন্ন করা উচিত, তাহার নাম সামাজিক নিয়ম। সামাজিক নিয়ম লঙ্ঘন করিলে যে প্রকার অনিষ্ট ঘটনা হয়, সংক্ষেপে তাহার বিবরণ করা যাইতেছে।

সামাজিক নিয়ম

মনুষ্যদিগের পরস্পর সাপেক্ষতা বিস্তর সুখের মূল। গৃহ নির্মাণ, শস্ত উৎপা-

দান, মৌকা গঠন, বস্ত্র বয়ন, ইত্যাদি
 বাবতীয় মুখ-সাধন ব্যাপার লোকের সমবেত
 চেষ্টা দ্বারা সম্পন্ন হইতেছে, তাহা এক
 ব্যক্তি দ্বারা সম্পাদিত হওয়া কোনক্রমেই
 সম্ভাবিত নহে। তন্মিন্ন, সমাজ-বদ্ধ হইয়া
 বসতি করিতে আমাদের অনেকাণেক
 মনোবৃত্তি সম্যক্ চরিতার্থ হইয়া অশেষ মুখ
 সঞ্চার করে। কাম, অপত্যস্নেহ, আশঙ্ক-
 লিপ্সা, উপচিকীর্ষা, ন্যায়পরতা, লোকানুরাগ-
 প্রিয়তা প্রভৃতি অতি শুভকরী বৃত্তি সমুদায়
 জন-সমাজে অপরিমিত উপভোগ প্রাপ্ত হইয়া
 কৃত আনন্দই প্রদান করে। বিশেষতঃ মনুষ্য-
 বর্গকে একত্র সংগ্রহ করিয়া সমাজ-বদ্ধ ক-
 রাই আসক্তলিপ্সা বৃত্তির এক মাত্র উদ্দেশ্য।
 অতএব, যিনি আমারদিগকে এই সুখকরী
 বৃত্তি প্রদান করিয়াছেন, আমারদিগের গৃহস্থ
 ও জন-সমাজস্থ হওয়া যে তাঁহার নিত্য
 অভিপ্রেত, তাহার কোন সন্দেহ নাই। মনু-
 ষ্যের এই বৃত্তি থাকিতে স্বভাবতই অন্য
 সংসর্গে প্রবৃত্তি হয়। শিশুগণ মাতৃ বা
 খাতী ক্রোড়ে গমন করিতে কৃত ব্যর্থ হয়।
 বালকেরা স্বীয় বয়স্যাগিণের সংসর্গি হইবার

৩০ ধর্ম বিষয়ক নিয়ম লঙ্ঘনের ফল

নিমিত্ত কেমন উৎসুক হয়। আর প্রাপ্ত-বয়স্ক ব্যক্তির স্বকীয় মিত্র মণ্ডলীর সহবাসে মধুরা-
লাপে কালযাপন করিতে পারিলেই বা কে-
মন প্রফুল্ল থাকেন। আমরা অন্যের সহিত
মিত্রতা করিয়া, অন্যের প্রিয় পাত্র হইয়া ও
অন্যের উপকার করিয়া যে সকল পরম প-
বিত্র স্বর্গোচিত মুখ সন্তোষ করি, লোক-
মংসর্গ পরিত্যাগ পূর্বক বিজনে বাস করিলে
তাঁহাতে সম্পূর্ণ রূপে বঞ্চিত হইতে হয়।
কলভঃ, যদি আমরা নিঃসঙ্গ হইয়া একাকী নি-
র্জনে বসতি করি, তবে আমারদিগের নি-
রুচ্চ প্রবৃত্তি, বুদ্ধিবৃত্তি ও ধর্মপ্রবৃত্তি সমুদা-
য়ের অধিকাংশই স্ব স্ব বিষয় প্রাপ্ত না হও-
রাতে অরুচ্য থাকে, এবং ক্লুতরাং স্ব স্ব
সাধ্যানুযায়ি সুখোৎপাদনে অসমর্থ হয়।
এ প্রকার অবস্থায় থাকিলে পশুদিগের নহিত
মনুষ্যদিগের কিছু মাত্র বিভিন্নতা থাকিত না,
বয়স্ক তদপেক্ষাও তঁহারদিগের জ্বরবস্থা
হইত। পশুদিগের আশ্রয়ার্থে যেকোন
বৃক্ষ, শূঙ্গ, লোমাদি নামা উপায় আছে, আ-
মারদিগের তদনুরূপ উপায় না থাকিতে অতি
সামান্য হেতুতেই প্রাণবিয়োগ হইত। অত-

এবং পরস্পর সাপেক্ষতা আমারদিগের সকল সম্পদের মূল, এবং যিনি এই পরম গুণদায়ক সামাজিক ব্যবস্থা স্থাপন করিয়াছেন, তিনি পরম মজলাকর। তাঁহার নিকট কৃতজ্ঞতা স্বীকার পূর্বক সামাজিক নিয়ম সমুদায় শিক্ষা করা ও শিক্ষা করিয়া পালন করা সর্বতোভাবে কর্তব্য।

একাকী মোকা চালনা করিয়া অধিক দূর গমন করা সম্ভাবিত নহে, অনেকের সমবেত চেষ্টায় অপেক্ষা রাখে। যাহারদিগকে মোকা চালনা করিতে হয়, তাহারদিগের জীবনব্যয়ক নিয়ম, জলদ্রব্যাদি, নদী ও সমুদ্রের আবর্ত, গুপ্ত চর, বায়ুর প্রভাবানুসারে পাল নিরোজন, পথের গুণাগুণ, ইত্যাকার সমস্ত ব্যাপার সম্যক্ শিক্ষা করা কর্তব্য। যে নাবিক এই সমুদায় বিষয়ে সুনিপুণ, সদা সতর্ক, ও স্বকর্তব্য সাধনে তৎপর হয়, আর ব্যসনামস্ত ও মাদক সেবনে অনুরক্ত না থাকে, তাহার বোকার আরোহণ করিলে নিরিখে উদ্ভিষ্ট স্থানে উপনীত হওয়া যায়। কিন্তু যে নাবিকের নিকট প্রবৃত্তি অবল, এবং বুদ্ধি বৃষ্টি ও ধর্মপ্রবৃত্তি ক্ষীণ, সুতরাং মোকা-চালন

৩২ ধর্ম বিষয়ক নিয়ম লঙ্ঘনের ফল

কার্যের অনুপযুক্ত, এবং যে সর্বদাই ঐচ্ছিক নিয়ম লঙ্ঘন করিয়া থাকে, তাহার নোকার আরোহণ করিলে জল-মগ্ন হইয়া প্রাণ বিয়োগ হইতে অব্যাজ। যে সকল পোতবাহক কোন অনুপযুক্ত কর্ণধারের দোষ গুণ পরীক্ষা না করিয়া তাহার কার্যে নিযুক্ত হয়, তাহারদের বিস্তর ক্লেশ প্রাপ্তি ও মৃত্যু ঘটনা পর্য্যন্ত হইতে পারে।

আপনার কার্য্য নির্বাহার্থে সহকারি কর্মচারি নিযুক্ত করিলে জ্ঞান লাঘব হয় বটে, কিন্তু নির্দোষ তুর্লভ লোক নিযুক্ত করিলে তাহার ভ্রম, প্রমাদ, চৌর্য্য ও প্রতারণা দ্বারা কর্ম-ক্ষতি, ধন-ক্ষয় ও আপনার বা আত্মীয় ব্যক্তিদিগের প্রাণের উপরেও আঘাত হইবার সম্ভাবনা।

অনেকে পরস্পর অংশি স্বরূপে বাণিজ্য ব্যাপারে নিযুক্ত হইলে, বাহুল্যকপ ব্যবসায় ও যথেষ্ট লাভ হইতে পারে; কিন্তু প্রত্যেকের বুদ্ধিবৃত্তি ও ধর্মপ্রবৃত্তি বিষয়ক নিয়ম অবগত থাকা ও তৎ প্রতিপালনে যত্নবান হওয়া উচিত। যদি কোন বাণিজ্যাগারের এক অংশী কলিকাতায় ও অন্য এক অংশী

লগুন নগরে থাকেন, তবে লগুন নগরস্থ অংশির ভ্রম, অনবধানতা, অথবা প্রতারণায় কলিকাতাস্থ অংশির সর্বনাশ হইতে পারে। সমবেত বাণিজ্য সামাজিক নিয়ম-সিদ্ধ বটে, কিন্তু সামাজিক নিয়ম অবলম্বন করিতে হইলে, তৎ পালনার্থে যে যে প্রচরণ করিতে হয়, তাহার অন্যথাচরণ করিলেই অনিষ্ট ঘটে। যাহারদের সহিত বিষয়-ঘটিত সংস্রব রাখিতে হয়, তাহারদের বুদ্ধি-বৃত্তি ও ধর্মপ্রবৃত্তির প্রাধান্যানুযায়ী কার্য্য করিবার চেষ্টা ও ক্ষমতা আছে কি না, তাহা বিশিষ্টরূপে অনুসন্ধান করা উচিত। সামাজিক নিয়ম পালন বিষয়ে এই গুরুতর তত্ত্বে দৃষ্টি রাখা সর্বতোভাবে কর্তব্য।

সামাজিক নিয়মের স্বরূপ ও তৎপ্রতি-পালনের রীতি নির্দেশ করা গেল, এক্ষণে, তাহা লঙ্ঘন করিলে কিরূপ অনিষ্টোৎপত্তি হয়, তাহার আর দুই চারি উদাহরণ প্রদর্শন করা যাইতেছে।

মনুষ্যের মনোরূতি সমুদায়ের পরস্পর সমঞ্জসীভূত থাকিয়া চরিতার্থ হওয়া যদি পর-মেশ্বরের অভিপ্রেত হয়, এবং সমুদায় প্রা-

৩৪ ধর্ম বিষয়ক নিয়ম লঙ্ঘনের ফল

কৃত্তিক নিয়মের সহিত তাহারদের ঐক্য থাকে, তবে কোন জন-সম্প্রদায়ের লোকে সঙ্কল্পাবৃত্ত হইয়া কেবল নিকৃষ্ট প্রভৃতি সমুদায়কে ক্রমাগত চরিতার্থ করিলে, ও উৎকৃষ্ট প্রভৃতি সকলের চরিতার্থতা সাধনে চেষ্টা না করিলে, অবশ্যই দুঃখে প্রাপ্ত হয়, তাহার সংশয় নাই। এদেশীয় লোকের অবস্থা দৃষ্টি করিলেই ইহার বোধে উদাহরণ প্রাপ্ত হওয়া যায়।

যে দেশেঃ অন্ন অপেক্ষা লোকের সংখ্যা অধিক, সে দেশীয় লোকের সমুহ ক্লেশ উপপন্ন হয়; অতএব আপন আপন অবস্থানুসারে অপত্যোৎপাদিকা শক্তির সংযম করা উচিত। যাবৎ পরিবার প্রতিপালন ও সন্তান সন্ততিকে শিক্ষাদানের উপযোগি অর্থ সংগ্রহ বা তাহার উপায় ধার্য্য করিতে না পারা যায়, তাবৎ বিবাহ করা কোন ক্রমেই উচিত নহে। যদি কোন বহু-লোক-সমাকীর্ণ জনপদের মনুষ্যেরা এই নিয়ম অবহেলন করিয়া অল্প বয়সে স্ত্রীপরিগ্রহ করে, ও কর্তব্যাকর্তব্য বিবেচনা পরিত্যাগ পূর্ব্বক অপত্যোৎপাদিকা শক্তিকে পর্য্যাপ্তরূপে চরিতার্থ করে, তবে দারিদ্র্য ও অনশন নিমিত্তক অকাল মৃত্যু দ্বারা

সে দেশের লোক-সংখ্যা হ্রাস হয়। এ দেশীর লোকে এই নিয়ম লঙ্ঘন করাতো যে ঋণ গ্রাণ্ড গ্রাহ্য হইতেছে, তাহা বলিবার নহে। কত শত ব্যক্তি কতক গুলি কুপোষ্য পুত্র কন্যা লইয়া যেকপ বিব্রত ও ব্যতিব্যস্ত হয়, তাহা অনেকেই বিদিত আছে। তাহারদের ভরণ পোষণের ভার বাহার উপর সমর্পিত আছে, তিনি তত্ত্বযোগি ধনের চতুর্থাংশও উপার্জন করিতে পারেন না। কেহ কেহ নিতান্ত নিরুপায় হইয়া অন্ন চিন্তায় ব্যাকুল হইয়েন, এবং ঋণ-গ্রাণ্ড হইয়া কোন কমে শাকাম আহার করিয়া দিনপাত করেন। ইহাতে তাহারদের ঋণবুদ্ধি সহকারে দিন দিন সন্তাপ ও ব্যাকুলতারও বৃদ্ধি হইতে থাকে। কত কত সম্বংশ-জাত ভদ্রলোক অসমভাবে দুঃ-প্রায় হইয়া অবশেষ ভিক্ষা বৃত্তি অবলম্বন করিতেছে। কেহ কেহ বিষয়-কর্ম চেষ্টায় অর্থ আয়ুশেষ করিয়া অবশেষ নিতান্ত নিরাশ হইয়া পরিবার পরিত্যাগ পূর্বক দেশত্যাগ করিতেছে। বাহারদের উত্তর পুত্রি হওয়া দুঃসাব্য, তাহারদের জ্ঞান চর্চাই বা কোথায়? ধর্ম চিন্তাই বা কোথায়? এই সমস্ত দুঃসহ

৩৬ ধর্ম বিষয়ক নিয়ম লঙ্ঘনের কল

তুংখ উদ্ধাহ, অপত্যোৎপাদন ও অন্যান্য
কার্য্য বিষয়ক নিয়ম লঙ্ঘনের কল ।

এই গ্রন্থের প্রথম ভাগে মানব প্রকৃতির
যেপ্রকার বিবরণ করা গিয়াছে, তাহাতে প্র-
তিপন্ন হইয়াছে, যে আমারদের সমুদায় বৃ-
ত্তিকে যথোচিত সংযত করা উচিত । অর্জুন-
স্পৃহা বৃত্তি অতি প্রবল হইলে অত্যন্ত মোভ
বুদ্ধি হইয়া প্রতারণা ও চৌর্য্যবৃত্তিতে প্রবৃত্তি
হয়, ও তাহার প্রতিকল রূপ নানা প্রকার
তুংখ ভোগ করিতে হয় । যাঁহারদের অপ-
ত্যমেহ বুদ্ধিবৃত্তির দশবত্তী না থাকে, তাঁ-
হারা পুত্র কন্যার কুপ্রবৃত্তিতে উৎসাহ দিয়া
তাহারদিগকে অবিনীত করেন ও অশিক্ষিত
রাখেন ; ইহাতে তাহারদের ও আপনার-
দিগেরও অশেষ প্রকার অনিষ্ট ঘটনা হয় ।
অতএব, যখন সমুদায় মনোবৃত্তিকে যথোচিত
দমন করা উচিত, তখন কেবল অপত্যোৎপা-
দিকা শক্তিকে এ নিয়মের বহির্ভূত বিবেচনা
করা কোন ক্রমেই যুক্তি-সিদ্ধ নহে । পর-
মেশ্বর আমারদের রিপু-দমন ক্রিয়াকে কর্তৃ-
ব্যের মধ্যে গণিত করিয়াছেন, এবং বাহ্য বস্তু
সমুদায়েরও তদুপযোগি শৃঙ্খলা স্থাপন করি-

ধর্ম বিষয়ক নিয়ম লঙ্ঘনের কদ ৩৭

রা আপন অভিপ্রায় ব্যক্ত করিয়াছেন। কিন্তু
আত্মারদিগের দেশীয় লোকেরা এই সমস্ত
পরম শুভকর নিয়ম অবগত না থাকিতে, ক্র-
মাগতই তদ্বিরুদ্ধ ব্যবহার করিতেছেন, ও
তাহার প্রতিকল স্বরূপ যৎপরোনাস্তি শাস্তি
ভোগ করিয়া আসিতেছেন। পরিবার প্র-
তিপালনের উপায় খার্বা না করিয়া যে বিবাহ
করা উচিত নয়, ইহা এদেশীয় লোকের অন্তঃ-
করণে বর্ষনও উদয় হয় নাই। কেহ কেহ
বহু স্ত্রীর পাণিগ্রহণ করিয়া সমস্যারের ছুঃ-
খ-শ্রোত ও পাপ-প্রবাহ বৃদ্ধির মুখ্য কারণ
হইতেছেন। এই অধিবেদনের প্রথা যে প-
র্যাপ্ত অপকারক, তাহা বলিবার অপেক্ষা
নাই। অতএব, এ দেশীয় লোকে বিবেচনা
করিয়া দেখুন, তাঁহারা অধিবেদন ও তৎ-
প্রযোজক কোলীনা-মর্যাদা এই উভয় প্রথা
প্রচলিত রাখিতে, জগদীশ্বরের সাক্ষাৎ আজ্ঞা
লঙ্ঘন করিতেছেন, এবং তদ্বারা আপনার-
দিগের দারিদ্র্য দশা বর্দ্ধিত ও পাপানল প্রবল
করিতেছেন।

বুদ্ধিবৃত্তি ও ধর্মপ্রবৃত্তি সমুদায়ের প্রা-
ধান্য স্বীকার করিয়া ও অপর্যাপ্ত বৃত্তি দূর-

৩৮ ধর্ম বিষয়ক নিয়ম লঙ্ঘনের ফল

লকে তাহারদের বশবর্তি রাখিয়া কার্য্য করিলে, ক্রমে ক্রমে অনিষ্ট মিবরণ ও ইষ্ট সাধন হইয়া দুঃখ নিরুত্তি ও সুখ বৃদ্ধি হইতে থাকে। জগদীশ্বর আমারদিগকে অতিবিস্তৃত উর্দ্ধরা ভূমি প্রদান করিয়াছেন, আমরা যদি অত্যুৎকৃষ্ট ইউরোপীয় হলযন্ত্র দ্বারা তাহা কর্ষণ করি এবং উত্তমোত্তম বাষ্পীয় যন্ত্র দ্বারা কৃষ্যুৎপন্ন দ্রব্যে পরিধেয় ও অপরাপর ব্যবহার্য্য বস্তু প্রস্তুত করি, তবে প্রতিদিবস অল্পক্ষণ পরিশ্রম করিলেই প্রয়োজনোপযোগি সমুদায় সামগ্রী প্রস্তুত হইতে পারে। লোকে যদি উপজীবিকা নির্কীহার্থে আবশ্যক মত কৰ্ম্ম করিয়া কায়িক পরিশ্রমে নিরস্ত হয়, এবং অবশিষ্ট কাল বুদ্ধিবৃত্তি ও ধর্ম্মপ্রবৃত্তি চালনার ক্ষেপণ করে, তবে তাহারদের সর্ব্ব প্রকারেই সুখোৎপত্তি হয়, তাহার সন্দেহ নাই। প্রয়োজনোপযোগি দ্রব্য প্রস্তুত হইলে তাহার উচিত মূল্য অবধারিত থাকে, অতএব পরিশ্রমের উপযুক্ত ফল প্রাপ্ত হওয়া যায়। আর আমারদের বুদ্ধিবৃত্তি ও ধর্ম্মপ্রবৃত্তি সমুদায় বিহিত বিধানে চালনা করিলে, সমুদায় মনোবৃত্তি গর-

স্পার সমঞ্জসীভূত থাকিয়া স্ব স্ব ব্যাপারে ব্যাপ্ত থাকে ; তাহাতে যাদৃশ অপরিপাক আনন্দ অনুভূত হইতে পারে, তাহা আর কিছুতেই হইতে পারে না। ইহা হইলে দেশের সর্ব সাধারণ লোকের জ্ঞান ও ধর্ম্ম বুদ্ধি হয়, এবং সম্ভানে পৈতৃক ও মাতৃক গুণ অধিকার করাতে পুরুষে পুরুষে স্বভাবের উন্নতি হইয়া আইসে। ইহাতে সম্ভানেরা পূর্ব পুরুষদিগের অপেক্ষায় কেবল অধিক বিদ্যা উপার্জন করিতে পারে এমন নহে, তদপেক্ষায় তেজস্বি বুদ্ধিরূতি ও ধর্ম্মপ্রবৃত্তি সমুদায় প্রাপ্ত হইতে, এবং তাহা লোক-হিতার্থে নিয়োজন করিয়া সাংসারিক সুখ সাধন করিতে সমর্থ হয়।

আমাদিগের দেশের বর্তমান হু-বস্থার বিষয় বিবেচনা করিয়া দেখিলে, এসমুদায় অভিশ্রায় সম্পন্ন হওয়া স্বপ্ন-কল্পিত ব্যাপারের ন্যায় অসম্ভাবিত বোধ হয়। এদেশে রূষিকার্য্য বাহ্যারদের উপজীবিকা, তাহার। সকলেই বিদ্যা-বিহীন ইতর লোক। তাহার। রূষিবিদ্যায় সুশিক্ষিত নহে, সুতরাং উৎকৃষ্ট প্রণালীক্রমে রূষিকার্য্য সম্পাদনে সমর্থ

৪০ ধর্ম বিষয়ক নিয়ম লঙ্ঘনের কল

হয় না* । ভদ্র লোকেরা এবৃত্তি অবলম্বন করে।
অসন্তোষ-জনক বোধ করেন । এ দেশীয় কু-
সাহেবরা যে প্রকার দ্রুতিক্রমে স্বীয় ব্যবসার
নির্বাহ করে, তাহাতে যদিও তাহারদের অ-
ধিক সময় ক্ষেপণ হয়, এবং তদিনিমিত্ত তা-
হারদের বিদ্যা ও ধর্ম-চর্চা করণার্থে অবসর
পাওয়া দুষ্কর, তথাপি তাহারা স্বীয় বৃত্তি
দ্বারা স্ব স্ব পরিবারের ভরণপোষণ করিয়া
স্বচ্ছন্দে কাল হরণ করিতে পারে । কিন্তু এ
দেশের কতক গুলি ভূস্বামী, এবং তাঁহারদের
অনুচরেরা যেকোন প্রকার নিষ্পীড়ন করিয়া অর্থা-
পহরণ করেন, তাহাতে প্রজাদিগের উদরার
সম্পন্ন হওয়া দুঃসাধ্য । তাহারাও বুদ্ধিবৃত্তি ও
ধর্মপ্রবৃত্তি সমুদায় বর্খোচিত চালনা না করা-
তে ইহার প্রতীকার চেষ্টা করিতে পারে না ।
জ্ঞান-বল ও ধর্ম-বলই প্রধান বল ; যাহারা

* সম্প্রতি বারানসি গ্রামে ত্রিশ টি কৃষিবিদ্যালয় সং-
স্থাপিত হইয়াছে, তথায় শুধু লোকের সহানুভূতি কৃষি কার্য
শিক্ষা করিতেছে । এই অনুষ্ঠান অত্যন্ত প্রশংসনীয় এবং যা-
হারা ইহার সুত্র পাত করিয়াছেন তাঁহারা বিশিষ্টরূপে প্রতি-
কৃত্যজ্ঞ । স্থানে স্থানে কৃষিবিদ্যালয় ও নিষ্পাবিকাশের সং-
স্থাপিত না হইলে কোন মতে এদেশের উন্নতি হইবে না ।

ধর্ম বিষয়ক নিয়ম লঙ্ঘনের ফল ৩১

পরমেশ্বরের নিয়ম লঙ্ঘন করিয়া তাহাতে
বঞ্চিত হইয়াছে, তাহারদিগকে অবশ্যই
ক্লেশ ভোগ করিতে হইবেক। আর ঐ সকল নি-
ষ্ঠুর-স্বভাব ছদ্দান্ত ভুশ্বামিও অবিহিত আ-
চরণ দ্বারা আপনাদিগের নিকৃষ্ট প্রবৃত্তি সমু-
দায়কে অত্যন্ত প্রবল করাতে তাহার প্রতিকূল
প্রাপ্ত হইতেছেন। তাহারদের কুব্যবহারে
প্রজাদিগের কোপানল প্রজ্বলিত হইয়া উঠে,
এবং তন্মধ্যে যাহারা কিছু ক্ষমতাপন্ন, তা-
হার। তাহারদিগের অত্যাচার নিবারণা-
র্থে বিশিষ্টরূপে সচেতনিত হয়। এই হেতু
মধ্যে মধ্যে প্রজায় ও ভুশ্বামিতে যোরস্তর
বিবাদ বিসম্বাদ ঘটনার বিষয় প্রকট হওয়া
যায়। প্রজার সহিত বিবাদ করিয়া অনেক-
কানেক ভুশ্বামিকে রাজদ্বারেও দণ্ডিত হই-
তে হইয়াছে। ইহাও এক একার কুকর্মের
প্রায়শ্চিত্ত স্বরূপ বলিতে হয়, যে তাঁহারা প্র-
জানিঙ্গীড়ন করিয়া যত অর্থ সংগ্রহ করেন,
এইরূপ মোকদ্দমাদি উপলক্ষেই তাহার অ-
ধিকাংশ ব্যয় করিতে হয়, বরঞ্চ কখন কখন
খণ-জালে বদ্ধ হইয়া ক্লেশ ভোগ করিতে হয়।
এইরূপে, তাঁহারা প্রজাগণের নিঙ্গীড়ন করাতে

৪২ ধর্ম বিময়ক নিয়ম লঙ্ঘনের কল

তাহারদিগের অনাদর-ভাজন হইতেছেন, তদ্বিষয়ে ও অন্যান্য বিষয়েও বুদ্ধিবৃত্তি ও ধর্মপ্রবৃত্তির উপদেশানুযায়ী কার্য না করাতে, সর্বদা বিরক্তি, উৎকর্ষা, অপমান ও ধনঙ্কর রূপ অশেষ শাস্তি ভোগ করিতেছেন, এবং বোধ হয়, ভবিষ্যতে তাহারদিগকে এতদপেক্ষায়ও গুরুতর প্রতিকল প্রাপ্ত হইতে হইবে। যদি কোন দেশের কোন ভূস্বামী স্বয়ং বুদ্ধিবৃত্তি ও ধর্মপ্রবৃত্তির প্রাধান্য স্বীকার করিয়া লোকের সহিত তদনুযায়ী ব্যবহার করিতে পারেন, এবং তাহার অধিকারস্থ প্রজা সকল জ্ঞানাপন্ন ও ধর্ম-পরায়ণ হইয়া তদনুযায়ী আচরণ করিতে প্রবৃত্ত থাকে, তবে তিনি অন্তরে ও বাহিরে কেবল সুখ-ব্যাপারই দৃষ্টি করেন তাহার সন্দেহ নাই। সমস্তসীদ্ধত মনোবৃত্তি সকলকে চরিতার্থ করিয়া—স্বীয় অধিকারস্থ জনপদ সকল স্বর্গোপম সুখ-ধাম দৃষ্টি করিয়া—জ্ঞানবান্ পুণ্যবান্ প্রজাদিগের প্রীতিভাজন হইয়া—বিবাদ বিসম্বাদ এবং অজ্ঞান ও অধর্মজনিত দুঃখ সমুদায় হইতে নিঃসুক্ত থাকিয়া—আপনাকে পরম মঙ্গলাকর পরমেশ্বরের অনুমতি পালনে সমর্থ জানিয়া তিনি যে প্রকার

অনুপম সুখ সম্ভোগ পূর্বক জীবনযাত্রা নি-
 র্বাহ করিতে পারেন, এদেশীয় চুম্বীল ভু-
 স্বামিরা তাহার স্বাদগ্রহেও সমর্থ নহেন।
 ভূমণ্ডলে একপ অথবা এতদনুরূপ সুখ-ব্যাপার
 ঘটনা হওয়া এক্ষণে অসম্ভাবিত বোধ হয়
 বটে, কিন্তু যখন জগদীশ্বর আমাদের শুভা-
 ডিপ্রায়েরই সমুদায় বাহ্য বিষয়ের সৃষ্টি করি-
 য়াছেন, এবং আমরাদিগের শারীরিক ও
 মানসিক প্রকৃতিতে তাহার সম্যক উপযো-
 গিতারাপিয়াছেন, তখন শীত্র না হউক, কাল
 বিলম্বেও তাহার শুভকর অভিপ্রায় সম্পন্ন হ-
 ইয়া ভূমণ্ডল অপরিপাণ্ড আনন্দে পরিপূর্ণ হ-
 ইবেক, তাহার সন্দেহ নাই। এক্ষণে আ-
 মারদিগের দেশীয় লোকের মধ্যে ঘাঁহারা
 প্রাকৃতিক নিয়মের ষথার্থ তত্ত্ব অবগত হইতে-
 ছেন, স্বদেশের ছরবহা দৃষ্টি করিয়া তাহার-
 দের তন্নিকারকরণার্থে লোকদিগকে ভৌতিক,
 শারীরিক ও মানসিক নিয়ম প্রতিপালন বি-
 ষয়ে উপদেশ দেওয়া উচিত, এবং ঘাঁহাতে
 এদেশস্থ সর্বসাধারণ লোকে আপনাদিগের
 বুদ্ধিবৃত্তি ও ধর্মপ্রবৃত্তির প্রাধান্য বুদ্ধিয়া ও
 অপরাপর বৃত্তি সমুদায়কে তাহার বশবর্ত্তি

রাখিয়া তদনুযায়ী সাংসারিক ব্যবহারে প্র-
বৃত্ত হয়, তাহার চেষ্টা করা সর্বতোভাবে
কর্তব্য।

বেকপ শরীরের স্থূলতা, দীর্ঘতা, বলবন্তা
ও অন্যান্য বিষয়ে মনুষ্যদিগের পরস্পর
বিভিন্নতা আছে, তাঁহাদের নাননিক প্রকৃতি
বিষয়েও সেইরূপ দৃষ্টি করা যায়। যখন
পরমেশ্বর এক এক ব্যক্তির এক এক প্রকার
বৃত্তি অপেক্ষাকৃত প্রবল করিয়াছেন, তখন
সকলেরই এক ব্যবসায় অবলম্বন করা তাঁহার
অভিপ্রেত নহে। আপনার স্বাভাবিক শক্তি
ও প্রদেশের অবস্থা বিবেচনা করিয়া তরুণ-
যুক্ত ব্যবসায় গ্রহণ করিলে জন-সমাজের
কার্য সাধন হয়, এবং আপনারও অনান্যানে
জীবিকা নির্বাহ ও সুখপ্রাপ্তি হয়। আমার-
দিগের এই বিবেচনা না থাকিতে, এদেশ
ঘোরতর দারিদ্র্য রূপ দাবানলে দগ্ধ হই-
তেছে। এদেশের ভদ্র লোকেরা কেবল রাজ-
কীয় কর্ম ও লিপিকর-ব্যবসায় ভিন্ন আর আর
সমুল্লাস্য ব্যবসায়কে হয় ও অপমান-জনক
বোধ করেন, অল্প বাদিজ্যকে উল্লেখ্য বালি-
য়া স্থগা করেন এবং সর্বপ্রকার শিল্প-কার্য

কেবল ইতর লোকেরই কর্তব্য বলিয়া তদ্বি-
ষয়ে অবজ্ঞা প্রকাশ করেন। তাঁহাদের
এই কুসংস্কার বুদ্ধিবৃত্তি ও ধর্মপ্রবৃত্তির অনু-
মত নহে; যাহাতে লোকের সুখহানি ও
দুঃখ বৃদ্ধি হয়, তাহা কখনই এই সমুদায়
প্রধান প্রধান মনোবৃত্তির অভিমত হইতে
পারে না। অতএব, এই কুপ্রথা অবলম্বন
করিয়া চলিলে ঈশ্বরের নিয়ম লঙ্ঘন করা হয়,
এবং নিয়ম লঙ্ঘন হইলেই দুঃখ ঘটনা হয়।
এনেশের যে অংশে দুষ্টিপাত করা যায়, সেই
অংশেই এই নিয়ম লঙ্ঘনের সমুচিত প্রতিকূল
দুষ্টিগোচর হয়। রাজপুরুষেরা প্রধান প্র-
ধান রাজকর্মে হিন্দুদিগকে অমধিকারি করি-
য়া রাখিয়াছেন, যে কয়েক টা বিচার-বিষয়ক
কার্যে তাঁহাদের অধিকার আছে, তাহারও
সংখ্যা অধিক নহে, অতএব ভক্ত লোকের মধ্যে
অধিকাংশে কেবল লিপিকর-ব্যবসায় অব-
লম্বনেরই চেষ্টা করেন। বহু লোকে এক প্র-
কার বৃত্তি লাভার্থে সচেষ্ট হইলে, সহজেই
কর্ম অপেক্ষায় কর্মার্থীর সংখ্যা অধিক হই-
য়া উঠে, এবং তাহা হইলে সুতরাং কতক
লোককে কর্মভাবে অবশ্যই নিরবলয় থাকি-

৪৬ ধর্ম বিবরণক নিয়ম লঙ্ঘনের ফল

তে হয়, ও অসম্ভাব্যে কষ্ট পাইতে হয়। এ দেশীয় ভদ্র লোকদিগের অধিকাংশ এই প্রকার অবস্থা ঘটিয়াছে। তাঁহারা রাজকীয় কার্যালয়ে, প্রধান প্রধান বণিকদিগের বাণিজ্যাগারে, বা ভূস্বামিদিগের অধিকারে কোন কর্ম প্রাপ্তির নিমিত্তেই অনন্য মনে চেষ্টা করেন। কেহ কেহ ক্রমাগত ১০।১২ বৎসর বিষয় কর্মের চেষ্টায় পথে পথে দ্বারে দ্বারে ভ্রমণ করিয়াও কৃতকার্য হইতে পারেন না, তথাপি ব্যবসায়ান্তর অবলম্বনে প্রবৃত্ত হইবেন না। তাঁহাদের এ ভ্রম কত দিনে দূরীকৃত হইবে? তাঁহাদের কি বিগারীত বুদ্ধিই উপস্থিত হইয়াছে! তাঁহারা দাসত্বকে পরম সুখকর জ্ঞান করেন, আর কৃষিকার্য্য, শিল্পকার্য্য, বাণিজ্য প্রভৃতি যে সকল ব্যবসায়ে প্রধান প্রধান মনোবৃত্তি চালনার বিলক্ষণ উপযোগিতা আছে, এবং যাহা অবলম্বন করিলে আপনার স্বতন্ত্রতা ও মান সম্ভ্রম রক্ষা করিয়া ক্ষুধি ও উৎসাহ সহকারে অনায়াসে জীবনযাত্রা নির্বাহ করা যায়, তাহাকে অপকর্ম ও উচ্ছৃঙ্খল বলিয়া হেয় জ্ঞান করেন। কিন্তু তাঁহাদের ভ্রম জন্ম-

যাচ্ছে বলিয়া বাহ্য বিষয়ের অন্যথাভাব ও পরমেশ্বর-প্রতিষ্ঠিত নিয়ম-প্রণালীর ব্যতিক্রম হইতে পারে না; অতএব, তাঁহারা বিশ্বাধিপতির অনতিপ্রভ কার্য্য করাতে যৎপরো-
নাস্তি ক্লেশ ভোগ করিতেছেন। যদিও প্রা-
কৃতিক নিয়মের অন্যথাচরণ ও লোকের দাড়া-
বিক প্রবৃত্তির প্রতিরোধ করা কখনই কর্তব্য
নহে, কিন্তু পূর্বে যখন এক এক বর্ণের এক
এক প্রকার বৃত্তি ছিল,—ব্রাহ্মণের যজ্ঞযাজ-
নাদি, ক্ষত্রিয়ের যুদ্ধ ও রাজকার্য্য, বৈশ্যের
বাণিজ্যাদি, বৈদ্যের চিকিৎসা, কায়স্থের
লিপিকরতা ও অন্যান্য লোকের অন্যান্য বৃত্তি
ছিল, তখন একপ্রকার চুম্বহ ক্লেশ ঘটনার
সম্ভাবনা ছিল না। কিন্তু এক্ষণে ব্রাহ্মণ বৈ-
দ্যাদি ভিন্ন লোকে ও বণিক্ তন্তুবায়াদি ইতর
লোকে সকলেই লিপিকর হইবার জন্য বাধ্য।
পূর্বে যাহা কেবল কায়স্থের বৃত্তি ছিল, এক-
্ষণে সকল বর্ণেই সেই বৃত্তি অবলম্বন করি-
তেছে। যেখানে একজন মাত্রেই উদয়পুষ্টি
হওয়া সম্ভব, তাহাতে দশ জনের কুখানিবৃত্তি
কি প্রকারে হইতে পারে? একারণ, ভিন্ন
লোকের পরিবার প্রতিপালন ও মান সম্ভ্রম

৪৮ ধর্ম বিষয়ক নিয়ম লঙ্ঘনের ফল

রক্ষা করা চুঃসাধ্য হইয়া উঠিয়াছে। আর
ভ্রম লোকেরা শিষ্টাচার করিতে চাহেন না,
অথচ ইতর লোকে ভ্রম লোকের বৃত্তি অব-
লম্বন করিতেছে, এ প্রযুক্ত শিষ্টাচার অপেক্ষা
শিষ্ট লোকের সংখ্যা অল্প হওয়াতে অক্লে-
শে লোক-যাত্রা নির্বাহ হইবারও ব্যতিক্রম
ঘটিতেছে। এইরূপে দিন দিন এদেশীয় লো-
কের চুঃখানল প্রচলিত হইতেছে। কি-
ম্বা কত কালে সে অগ্নি নির্বাপন হইবে, তাহা
কে বলিতে পারে? তবে পরমেশ্বর-প্রসাদে
দুঃখের একশেষ হইলে সুখের আরম্ভ হয়,
এই আশায় নির্ভর করিয়া উল্লেখ করিতে
পারাবার, যে কখন না কখন আমাদের
চুঃখ ভার মোচন হইবেক। চুঃখ ভোগই
সুখ-চেষ্টার প্রবর্তক হইবে, ও বিদ্যা প্রচার
দ্বারা লোকের কুসংস্কার সকল বিনষ্ট হইয়া
একগুণার অপেক্ষার উৎকৃষ্টতর আচার
ব্যবহার প্রচলিত হইতে পারিবে। কিন্তু এ
দেশীয় লোকে যে কত কালে এই সকল বস্তু
তত্ত্ব আদর করিয়া তদনুযায়ি ব্যবহারে
প্রবৃত্ত হইবেন, তাহা এক্ষণে অনুমানও
আইসে না।

ধর্ম বিষয়ক নিয়ম লঙ্ঘনের ফল ৪৯

ধর্ম বিষয়ক নিয়ম লঙ্ঘন করিলে যে কি
প্রকার সাংসারিক অসম্ভব ঘটনা হয়, ১৭৬৯
শকের বাণিজ্য-ঘটিত বিপত্তি তাহার সম্যক
দৃষ্টান্ত-স্থল। ইহা প্রসিদ্ধই আছে, যে ইউ-
নিয়ন্ ব্যাঙ্কের অসম্ভব ঘটনাই তাহার প্র-
ধান কারণ; আর ইহাও অনেকের বিদিত
থাকিতে পারে, যে ব্যাঙ্কের অধ্যক্ষদিগের
স্বাভাবিক স্বার্থপরতাই তাহার তাদৃশ অসম্ভ-
বের অধিতীয় হেতু। প্রধান প্রধান বাণিজ্য-
গারের যে সকল অংশি ব্যাঙ্কের অধ্যক্ষতা-
পদে অধিকৃত ছিলেন, তাঁহারা তাহার
সর্বনাশ করেন। তাঁহারা সাধারণের ধন
পর্যবেক্ষণ ও তদ্বিষয়ক সকল চিন্তনার্থে যে
ক্ষমতা প্রাপ্ত হইরাছিলেন, আপন আপন
লোভানন্দে আচ্ছত্তি দানার্থেই তাহা নিরো-
জন করেন।

কলিকাতাস্থ ইংরেজ বণিকেরা যে প্রকার
ব্যবসায় নিযুক্ত হইলেন ও যেকপে ব্যয় ব্যস-
নাদি করিয়া থাকেন, অতি প্রবল নিরুপক প্রবৃত্তি
সমুদায়ই তাহার প্রবর্তক তাহার সন্দেহ
নাই। তাঁহারা অত্যাশ্রয় ভুল ধন লইয়া কার্য-
রত করেন, এখানকার অদূরদর্শি মনুষ্য-

৫০ ধর্ম বিষয়ক নিয়ম লঙ্ঘনের ফল

দিগের নিকট হইতে বিনা প্রতিক্ষু ও বিনা
মূল্যে ধন ও পণ্য গ্রহণ করেন, তদ্বারা ছলে
কলে কৌশলে নিজ নিজ বাণিজ্য-কার্য বিস্তা-
রিত করিতে থাকেন, ও আপনারা ইন্দিয়-
পরায়ণ হইয়া নানা প্রকার ব্যসন ও ইন্দিয়ো-
পভোগ সমাধান বিষয়ে অতিরায়শীল হইয়েন।
উত্তম অট্টালিকা, বহুমূল্য সুদৃশ্য বাস, শোভ-
নান পরিচ্ছদ, বহু-সমৃদ্ধি-সাধ্য আহার বি-
হার ইত্যাদি বিষয়েই তাঁহারদের সমুদায়
অর্থ ব্যয় হয়, সুতরাং অবিলম্বেই ব্যবসারে
ক্ষতি হইয়া অসম্ভব ধাটীরা উঠে। এই স-
কল ইউরোপীয় বণিক কেবল ধনই পরম
পুরুষার্থ জ্ঞান করেন; সুতরাং ইহাঁরদের
ধর্ম বিষয়ে তাদৃশ অনুরাগ নাই ও আপনার
কুখ্যাতিতেও তাদৃশ লজ্জা বোধ নাই। অস-
ম্ভব হইলে ইহাঁরা ইন্ডাল্‌বেট কোর্টের আ-
জ্ঞার নহীরা মহাজনদিগকে বঞ্চিত করেন, এবং
অম্মান বদনে পূর্ববৎ অধর্ম-প্রযোজিত বাণি-
জ্যে পুনর্ব্বার প্রবৃত্ত হইয়েন। ইউনিয়ন্‌ ব্যাঙ্কের
অধ্যক্ষেরাও এই প্রোগ্রিহ লোক। অতএব
তাঁহারা স্বার্থ-পরবশ হইয়া জ্ঞান ও ধর্মকে
লোভ রূপ জলধি-জলে বিমার্জম দিলেন, আ-

পন্নাদিগের অর্থ সামর্থ্য অনুসারে যেকোন ব্যবসার মতবতঃ উপকার বাতুল্য রূপ ব্যাপারে ব্যাপ্ত হইলেন, এবং স্বীয় স্বনে সেকোন ব্যবসায় সম্পন্ন হওয়া অসম্ভব দেখিয়া স্থগা-দান ত্রুত অবলম্বন করিলেন। বিশেষতঃ, তাঁহারদের নীল-ব্যবসায়ই সর্বনাশের হেতু হইল। তাঁহারা নীল-ব্যবসায় বৃদ্ধি করিবার নিমিত্তে ব্যাকুল হইতে লাগিলে মুদ্রা গ্রহণ করিতে লাগিলেন, এবং তাহা সহজেই হস্ত-গত করিতে পারিবারে অতি স্বচ্ছন্দ রূপে ব্যয় করিতে আরম্ভ করিলেন। সকলেবই এক প্রয়োজন—আপনার ঘোড় রিপুকে চ-রিতার্থ করা সকলেরই উদ্দেশ্য। অতএব, যিনি যখন উত্তান হস্তে উপস্থিত হইয়া অস্ত্র অ-ভিপ্রায় জ্ঞাপন করেন, অন্যান্য সকলে এক-মত হইয়া তাঁহার মনস্কামনা সিদ্ধ করেন। পূর্বোক্ত কারণ দ্বারা ব্যয়ের বিষয়ে সবি-শেষ বিবেচনা না থাকিতে নীল প্রস্তুত করি-তে বহুবায় হইতে লাগিল, অনেকে নীলের ব্যবসাতে প্রবৃত্ত হওয়াতে তাহার মূল্য হ্রাস হইয়া আসিল, কোন বৎসর বা নীলোৎপত্তির ব্যাঘাত হওয়াতে বণিকদিগের অত্যন্ত ক্ষতি

৫২ ধর্ম বিষয়ক নিয়ম লঙ্ঘনের কল

হইতে লাগিল। এইকপে, বর্ষে বর্ষে যত ক্ষতি হয়, তাহারা কেবল ব্যাঙ্কের ধন লইয়া তাহা পূরণ করেন। ইহাতে ইউনিয়ন্ ব্যাঙ্কের যে কোটি টাকা মূলধন, তাহার প্রায় সমুদায়ই কম জন বিখ্যাত বণিকের হস্তগত হইয়া একেবারেই অন্তর্হিত হইয়া গেল।

১৭৬৯ শকে কলিকাতা নগরে যে প্রকার বাণিজ্য বিষয়ক বিপত্তি ঘটনা হয়, তাহার মূল কারণ বিষয়ে যৎ কিঞ্চিৎ বাহা লিখিত হইল, তাহা পর্যালোচনা করিয়া দেখিলে স্পষ্ট প্রকাশ পায়, যে কেবল নিরুফ্ট প্রবৃত্তির প্রাবল্যই ইহার এক মাত্র হেতু। ইউনিয়ন্ ব্যাঙ্কের অধ্যক্ষেরা অর্থ লোভে বিমূঢ় হইয়া বুদ্ধিবৃত্তি ও ধর্মপ্রবৃত্তির শাসন অবহেলন পূর্বক অতি প্রবল নিরুফ্টপ্রবৃত্তির আদেশানুযায়ি কার্য্য করিতেই এই সর্বনাশ ঘটিয়াছিল, এবং এই নিমিত্তে তাঁহারদিগকেও স্বীয় পাপের প্রায়শ্চিত্ত স্বরূপ সমুচিত শাস্তি ভোগ করিতে হইয়াছিল। তাঁহারদিগের অসত্বম ও মান-ভ্রংশ হইল, স্ব স্ব বাণিজ্যাগারের কর্ম বন্ধ হইল, সঞ্চিত ধন কম হইল, এবং তাহারা জন-সমাজে অবশ্যক ও বিশ্বাসঘাতক রূপে

পরিচিত হইয়া সকলের অনাদরীয় ও অবি-
শ্বস্ত হইলেন। যদি তাঁহারা বুদ্ধিবৃত্তি ও
ধর্মপ্রবৃত্তির অমৃতময় উপদেশ গ্রহণ ক-
রিয়া ও নিকৃষ্ট প্রবৃত্তিদিগকে তাহারদের ব-
শবর্ত্তি রাখিয়া স্ব স্ব অর্থ সামর্থ্য ও জ্ঞান ব্যয়
বিবেচনা পূর্ব্বক আপন আপন বাণিজ্য-কার্য
নির্ব্বাহ করিতেন, এবং নিঃস্বার্থ ও লোক-হি-
তার্থি হইয়া যথা মিত্রমে ব্যাকের কর্ম সম্পন্ন
করিতেন, তবে এককাল দুর্ঘটনা কখনই ঘ-
টিত না, এবং তাঁহারদিগকেও একপ লজা
ও ক্লেশ প্রাপ্ত হইতে হইত না।

যখন জগদীশ্বর আমাদের বুদ্ধিবৃত্তি ও
ধর্মপ্রবৃত্তি সমুদায়কে অপরাপর যনৈবৃত্তি অ-
পেক্ষায় প্রধান করিয়াছেন, ও বাহ্য বস্ত্র সমুদা-
য়কে তদুপযোগি করিয়া সৃষ্টি করিয়াছেন, এবং
যখন পূর্ব্বোক্ত প্রধান প্রধান বৃত্তির উপদেশা-
নুসারে কার্য্য করিলেই সুখোৎপত্তি ও তাহা
না করিলেই আশ্রয় বটনা হয়, তখন লোক-
যাজা নির্ব্বাহার্থে বুদ্ধিবৃত্তি ও ধর্মপ্রবৃত্তির
প্রাধান্যানুযায়ি নিয়ম সকল সংস্থাপন করা
সর্ব্বতোভাবে কর্তব্য। কিন্তু যে দেশের সর্ব্ব
সাধারণ লোকের বুদ্ধিবৃত্তি ও ধর্মপ্রবৃত্তি স-

৫৪ ধর্ম বিষয়ক নিয়ম লঙ্ঘনের কথা

মুদ্রায় যথা নিয়মে মার্জিত ও উন্নত না হয়, তথায় লুবিবেচনা-সিদ্ধ ব্যবহার-প্রণালী সংস্থাপিত হওয়া সম্ভাবিত নহে। মুদ্রদিগের সমাজে বাস করিলে পরম ধার্মিক জ্ঞানাপন্ন ব্যক্তিও তাহাদের নিকট পরাজয় প্রাপ্ত হইয়া স্বাভিমন্ত কার্য সাধনে অপারগ হয়েন; বরঞ্চ কত কত পরম ধার্মিক সাধু ব্যক্তি স্বদেশস্থ কুসংসারাবির্ষ মুদ্রদিগের অভ্যাচারে অশেষ ক্লেশ প্রাপ্ত হয়েন। পূর্বে এ স্থায় প্রদর্শন করা গিয়াছে, এবং এক্ষণেও দুই চারি উদাহরণ প্রদর্শন করা যাইতেছে, তাহা পাঠ করিলেই এ বিষয়ে পাঠকবর্গের বিলক্ষণ প্রতীতি জন্মিবেক।

যদি কোন ব্যক্তি কলিকাতায় বিদ্যাভ্যাস করিয়া পল্লীগ্রামে গিয়া অবস্থিতি করেন, এবং তথায় বিশিষ্ট কণে বিদ্যালোচনা করিতে বাসনা করেন, তবে তিনি তথায় আপনার প্রয়োজনোপযোগি পুস্তক প্রাপ্ত না হইয়া মাতিশয় ভগ্নোৎসাহ হইবেন,—তাহার অভিলষিত বিষয় মুস্কি হওয়া তুলাধ্য হইবেক। যদি তত্রস্থ লোকে সুচারু রূপ শিক্ষা প্রাপ্ত হইত, এবং তদুপায় বিদ্যার মর্যাদা

দা জামিয়া তাহার অনুশীলনার্থে উদ্ভবোত্তম পুস্তকালয় স্থাপন করিত, তবে বিদ্যার্থীরা তথায় বাস করিলে জ্ঞান ভূষণকে চরিতার্থ করিয়া সুখে কাল যাপন করিতে পারিতেন।

পল্লীগ্রামে ও সমুদায় সামান্য নগরে যে উৎকৃষ্ট কপ বিদ্যা শিক্ষার উপায় নাই, ইহা প্রসিদ্ধই আছে। কলিকাতার বিদ্যালয় সমুদায়েও যে প্রকার প্রণালীক্রমে অধ্যয়ন অধ্যাপনা সম্পন্ন হয়, তাহাও উত্তম নহে, তাহাতেও বিস্তর দোষ আছে। সেখানেও বালকদিগের সমুদায় মনোবৃত্তি যথা নিয়মে চালিত, বর্দ্ধিত ও নিয়োজিত হয় না, এবং অনেককে সর্বলোক শিক্ষণীয় পরম শুভদায়ক অত্যাব্যস্তক বিজ্ঞান-শাস্ত্রও উপদিষ্ট হয় না। যদি এতদ্দেশীয় কোন মার্জিত-বুদ্ধি বিচক্ষণ ব্যক্তি তদপেক্ষার উৎকৃষ্ট রীতি ক্রমে স্বীয় সন্তানদিগকে শিক্ষিত করিতে অভিলষ করেন, তবে যত দিন অন্যান্য লোকে তাহার ন্যায় জ্ঞানাপন্ন হইয়া আপন আপন পুত্রদিগের পূর্ণোক্ত প্রকার শিক্ষা সাধনার্থে তদুপযোগি বিদ্যালয় সংস্থাপন না করিলেন, তত

৫৬ ধর্ম বিধায়ক নিয়ম লঙ্ঘনের ফল

দিন তিনি কখনই ক্লান্তকাৰ্য্য হইতে পারিবেন না। বাস্তবিকও, এক্ষণে কোন কোন ব্যক্তিকে এদেশীয় বালকদিগের সুশিক্ষা প্রাপ্তির অনুপায় চিন্তা করিয়া অত্যন্ত আশ্বেপ করিতে দেখা যায়, কিন্তু তাঁহাদের সংখ্যা অধিক নহে। বহু লোকের সমবেত চেষ্টা ব্যতিরেকে এতাদৃশ বিষয় কোন ক্রমেই সম্পন্ন হইতে পারে না।

এদেখে যে সকল কুপ্রথা প্রচলিত হইয়াছে, ও অত্যা লোকদিগের অশেষ প্রকার কুলসংস্কার জগিয়া যেকপ অনিষ্ট ঘটিতেছে, তাহা এদেশীয় ইংলণ্ডীয় ভাষাভাষায় অনেক কালেক ব্যক্তি সবিশেষ অবগত আছেন। কৌলীন্দ্ৰ মর্যাদা, অম্প বয়সে বিবাহ, বিধবাদের পুনঃ সংস্কার প্রতিষেধ ইত্যাদি কুপ্রথা দ্বারা যে প্রকার প্রভূত দুঃখ উৎপন্ন হইতেছে ও যাদৃশ পাপানল প্রজ্বলিত হইতেছে, তাহা প্রত্যক্ষ দেখিতেছেন, তথাপি লোক ভয়ে এই সকল কুরীতির উচ্ছেদ সাধনে সমর্থ নছেন।

কোন কোন দেশের লোকে মুরা অহিংস প্রভৃতি শাসক সেবনে অত্যন্ত আসক্ত হ-

ধর্ম বিষয়ক নিয়ম লঙ্ঘনের ফল ৫৭

ওয়াতে আপনাদের বিশিষ্টরূপ অনিষ্ট উৎপাদন করিতেছে। কোন সমুদ্রস্থালী দেশহিতৈষী ব্যক্তি স্বদেশীয় লোকের এই বিষম বিগর্হিত কুব্যবহার রহিত করিবার মানস করিলে কোনমতেই কৃতকার্য হইবেন না। বরং তাঁহার স্বীয় সম্মাননিগ্গেও এবিষয়ে নির্দোষ রাখা মুকঠিন হইবে। তাহার চতুর্দিকে কুদৃষ্টি দৃষ্টি করিয়া অবিলম্বেই তাহার অনুবর্ত্তি হইতে পারে। যত দিন তত্ত্বদেশীয় লোকের সেই দেশাচারকে ধর্ম-বিরুদ্ধ ও জুংখ-দায়ক বলিয়া হৃদয়ঙ্গম না হইবে, তত দিন তাহা রহিত হইবার সম্ভাবনা নাই*। অতএব, সর্ব সাধারণ লোকে বিহিত বিধানে বিদ্যানুশীলন পূর্বক ভৌতিক, শারীরিক ও ধর্ম-বিষয়ক নিয়ম শিক্ষা না করিলে, কোন ক্রমেই কোন দেশের কল্যাণ নাই।

* এতদেশীয় যুবক-সম্প্রদায়ের মধ্যে জনৈকই মুরাপানে প্রবৃত্ত হইয়াছেন। তাহার মুরাপান করা গর্হিত বলিয়া ধোকাব করেন না, বরং প্রশংসা প্রদান করেন। অতএব, পরিশিষ্টে এবিষয় বিচার করা হইবে।

কিন্তু এক্ষণে সর্বদেশীয় লোকের যে প্রকার কুসংস্কার জন্মিয়াছে ও সর্ব দেশেই যেকোন রীতি বস্তু প্রচলিত হইয়াছে, তাহাতে এই পরম শুভদায়ক অভিপ্রায় সম্পন্ন হওয়া দুঃসাধ্য হইয়া উঠিয়াছে। পূর্বেই উল্লিখিত হইয়াছে, যে লোকে কেবল অর্থ উপার্জন মাত্র শরীর ধারণের প্রধান প্রয়োজন ও জীবনের সার কার্য্য বিবেচনা করিয়া তদনুযায়ি ব্যবহার করে। জন-সমাজের অধিক লোক কেবল ধন-লালসাকে চরিতার্থ করিবার নিমিত্তেই ব্যাধি, মানব জন্মের সার্থক্য-সাধক প্রধান প্রধান বৃত্তিদিগকে চালনা করা যে অত্যন্ত আবশ্যিক, ইহা ভ্রমেও একবার চিন্তা করে না। যাহারা স্বাবকাশ ও সমুপায় থাকিতে জ্ঞান চর্চা ও ধ্যানানুশীলন না করে, তাহাদের অপরাধের আর পরিসীমা নাই। কিন্তু শ্রমোপজীবী সামান্য লোক প্রভৃতি যাহারদিগকে সমস্ত দিবসই শারীরিক পরিশ্রমে নিযুক্ত থাকিতে হয়, তাহাদের মধ্য নিয়মে বিদ্যালোচনার সম্ভাবনা নাই। যাহারদিগকে সমস্ত দিবস কামরূপে করিয়া জীবিকা নির্বাহ করিতে

খাদ্য বিষয়ক নিয়ম লঙ্ঘনের ফল ৫৯

হয়, তাহারদের বিদ্যাশিক্ষার্থে অবসর থাকে না, এবং ১০।১২ ঘণ্টা শারীরিক পরিশ্রমের পরে বুদ্ধিবৃত্তি চালনার সামর্থ্যও থাকে না। যে সকল ব্যবসায়ি লোকে প্রাতঃকালাবধি সাংসকাল বা রাত্রি ৯।১০ ঘণ্টা পর্য্যন্ত বি-
ষয় ব্যাপারে ব্যাপৃত থাকে, তাহারদের জ্ঞানানুশীলনের অবকাশই বা কোথায়? যোগ্যতাই বা কোথায়? কলতঃ, বর্তমান সাং-
সারিক নিয়ম পরিবর্তন করিয়া শারীরিক পরি-
শ্রমের হ্রাস না করিলে, আপনাতঃ সাধারণ
সকল লোকের যথোচিত বিদ্যা শিক্ষায় সমর্থ
হওয়া কোন ক্রমেই সম্ভাবিত নহে। এই
সমুদায় অভিপ্রায় পাঠ করিয়া কেহ যেন এ
রূপ বোধ না করেন, যে কিছু মাত্র শারীরিক
পরিশ্রমের আবশ্যকতা নাই। প্রত্যুত, তাহা
অত্যন্ত উপকারী ও নিতান্ত কর্তব্য। শরীর
চালনা করিলে শারীরিক স্বাস্থ্য লাভ, দেহের
লঘুতা বোধ, চিত্ত-ক্ষুর্তি ও পরম সুখানুভব
হয়। বিশেষতঃ, কেবল শারীরিক সুস্থতা
মাত্রের উদ্দেশে অঙ্গ চালনা করা অপেক্ষায়
সাংসারিক প্রয়োজন সাধনার্থে পরিশ্রম ক-
রিলে শরীরের অধিক সুস্থতা ও মনের অধিক

৬০ ধর্ম বিষয়ক নিয়ম লঙ্ঘনের ফল

সুখ সম্পন্ন হয়। অনতিদীর্ঘ কাল পরিমিত পরিশ্রম করা অতি উপকারক ও সকলের পক্ষেই বিধেয়। পরিশ্রম মাত্রকে অনিষ্টকর জ্ঞান করা যুগ্মতার কর্ম; কেবল তাহার আভিশয়াই অপকারক ও নিন্দনীয়। দীর্ঘ-কাল ব্যাপিয়া নিয়মাতীত অগাঢ়রূপ পরিশ্রম করিলে, বীৰ্য্য-ক্ষয় ও ক্লেশানুভব হইয়া বুদ্ধি-বৃদ্ধি ও ধর্মপ্রবৃত্তি চালনার অপারগ হইতে হয়।

পরমেশ্বর অনুয্যে যে সকল প্রধান প্রধান বিষয়ে অধিকারি করিয়াছেন, তৎ সম্পাদনার্থে সচেষ্টিত থাকাই তাঁহার পরম পুরুষার্থ। তবে শরীর রক্ষা করিতে হইলেই অন্ন, বস্ত্র, ও বাসস্থান আবশ্যিক; এতদ্ব্যতীত তদুপযোগি বুদ্ধি, বল, ও শিল্প-জ্ঞান প্রাপ্ত হইয়াছেন। অতএব, তাঁহার এই সকল নিকৃষ্ট কর্ম সম্পাদনার্থে ক্রুদ্ধি, শিল্প ও বাণিজ্যাদি ব্যবসায়ে নিযুক্ত হওয়া নিন্দনীয় নহে। কিন্তু নিকৃষ্ট বিষয় সাধনার্থে উৎকৃষ্ট বিষয়ে অবহেলা করা কোন ক্রমেই বিধেয় নয়। সর্বদেশীয় ধর্মিগণেরই এই বাসনা, যে আপনারা ঐশ্বর্য্য ভোগে মগ্ন থাকিয়া পরম সুখে

কাল যাপন করেন, আর অন্য লোকে কেবল তাঁহারদের ইচ্ছিত-সেবা সাধনার্থে নিযুক্ত থাকে। কিন্তু একপবিবেচনা করা যোরতর অজ্ঞান ও সাতিলয় স্বার্থপরতার কার্য। তাঁহারা পরমেশ্বরের নিয়ম অনুসন্ধান করিয়াছেন ও তদর্থ মানব প্রকৃতির বিষয় পর্য্যালোচনা করিয়া দেখিয়াছেন, তাঁহারা কোন ক্রমেই এ মতে সন্মত হইতে পারেন না। কোন দেশীয় কোন জৈগিহ লোকে কেবল কার্যিক ক্লেশ করিয়া আস্থুশেষ করিবার নিমিত্তে জন্মগ্রহণ করে নাই। পরমেশ্বর ধনি, মধ্যবর্তি, নির্জন সকল জৈগিহ লোককেই বুদ্ধিবৃত্তি ও ধর্মপ্রবৃত্তি প্রদান করিয়াছেন, এবং তৎ সমুদায়ই যে সর্বোপেক্ষা প্রধান বৃত্তি তাহাও সকলের হৃদয়ঙ্গম আছে। ধনহীন ইতর লোকদিগের এই সকল বৃত্তি যে বিফলে ঘাইবে, ইহা কখনই সর্বলোক-পালক পরম পিতা পরমেশ্বরের অভিপ্রেত নহে। যদি তাহারা ভারবাহ পশুদিগের ন্যায় কেবল গলদ্বর্ষ কলেবরে কার্যিক ক্লেশ করিবার নিমিত্তেই সৃষ্ট হইত, তবে তিনি তাহারদিগকে ঐ সমুদায় মনোমী মনোবৃত্তি কখন প্রদান করিতেন না। অত-

৬২ ধর্ম বিষয়ক নিয়ম লঙ্ঘনের ফল

এব, সর্বসাধারণেরই স্ব স্ব জীবিকা নির্বাহ করিয়া প্রতিদিন কিছু কিছু সময় জ্ঞান ও ধর্ম চর্চায় ক্ষেপণ করা নিতান্ত কর্তব্য। সামান্য লোকদিগের একপ ব্যবহার করা যা-হাতে সুগম ও সুসাধ্য হয়, ধনি ও জ্ঞানি ব্যক্তিদিগের তদর্থে চেষ্টা করা এবং রাজা ও রাজপুরুষদিগের তদনুকূল নিয়ম সংস্থাপন করা সর্বতোভাবে বিধেয়।

এক্কেণে কর্মোপজীবী লোকদিগকে দিব-মের অধিক ভাগ বিষয় কার্যো নিযুক্ত থাকি-তে হয় বলিয়া এক্কেণ অবধারণ করা উচিত নহে, যে চিরকালই মনুষ্যদিগকে এইকপ কুরীতি পাশে বদ্ধ থাকিতে হইবেক। পর-মেশ্বর সৃষ্টিকালেই এ আশঙ্কার সত্তাবনা নিবারণ করিয়া রাখিয়াছেন। যাহার-দিগের জ্ঞানানুশীলনে অনুরাগ ও চেষ্টা আছে, তাহারা এক্কেণও তদর্থে উপায় ও অবকাশ করিয়া লয়েন। এক্কেণ যাহারদি-গকে ক্লান্তিকর অগাঢ় পরিশ্রম করিয়া জীবিকা নির্বাহ করিতে হয়, তাহাদের বুদ্ধিবৃত্তি ও ধর্মপ্রবৃত্তি চালনার্থে অবকাশ পাওয়া দু-কর বটে; কিন্তু ইদানীং বিজ্ঞান শাস্ত্রের,

বিশেষতঃ শিল্পবিদ্যার যেকোন উন্নতি হই-
তেছে, তাহাতে ভবিষ্যতে মানুষের কার্যিক
শ্রমের লাঘব হইয়া অল্প কালে সংসার নি-
র্ঝাহের উপযোগি সমুদায় কার্য সম্পন্ন হ-
ইতে পারিবে। কিন্তু পরমেশ্বরের অনুমুখ্যকে
বদার্থে যে শক্তি প্রদান করিয়াছেন, তিনি তদার্থে
তাহা নিয়োজন না করাতেই হুঃখ-ভাজন
হইতেছেন। ইংলণ্ডাদি যাবতীয় দেশে শিল্প
বিদ্যার বিশেষরূপ উন্নতি হইয়া নানাবিধ
শিল্পযন্ত্র নির্মিত হইয়াছে, তথাকার ধনলোভি
লোকেরা তদ্বারা স্বাবকাশ লাভের চেষ্টা
না করিয়া কেবল অর্থ উপার্জনেরই পন্থা
দেখেন। তাহারদের অতিপ্রবল অর্জনস্পৃ-
হা হুতি যে বুদ্ধিবৃত্তি ও ধর্মপ্রবৃত্তি সমুদায়কে
পরাদৃত করিয়া রাখিয়াছে, তাহার সন্দেহ
নাই। জগদীশ্বর কি এই নিমিত্তে আমার-
দিগকে বাষ্পের অজুত প্রভাব প্রকাশ ও
বাষ্পীয় যন্ত্র নির্মাণ করিবার শক্তি প্রদান ক-
রিয়াছেন, যে আমরা তৎ সহকারে পূর্বা-
পেক্ষায় অধিক পরিমাণে জোজ্য ও ব্যবহা-
র্য সামগ্রী প্রস্তুত করণার্থেই যাবৎ কাল নি-
যুক্ত থাকিব? তিনি কি কেবল এই নিমিত্তে

৬৪ ধর্ম বিষয়ক নিয়ম লঙ্ঘনের ফল

আমারদিগকে জড় পদার্থ বিশেষের অসা-
ধারণ গুণ ও আশ্চর্য্য শক্তি নিরূপণের ক্ষমতা
দিয়াছেন, যে ভুরি ভুরি গৃহ নির্মাণ ও রাশি
রাশি বস্ত্র বয়নাদি নিকৃষ্ট কর্ম সম্পাদনার্থেই
তৎ সমুদায় নিয়োজন করিব ? ইহা কাহারও
অবিদিত নাই, যে এক্ষণে বাস্পীয় পোত
দ্বারা এক বৎসরের পথ এক মাসে ও বাস্পী-
য় রথ সহকারে এক মাসের পথ এক দিবসে
গমন করিতে পারা যায়। জগদীশ্বর আ-
মারদিগকে কি নিমিত্তে এই সকল অনূত ব্যা-
পার সাধনে সমর্থ করিয়াছেন, তাহা বিবে-
চনা করা কর্তব্য। জ্ঞান ও ধর্মের প্রাধান্য
স্বীকার করিয়া এ প্রস্তাব সর্বতোভাবে বি-
চার করিয়া দেখিলে বোধ হয়, যে আমরা
উপজীবিকা নির্বাহার্থে আবশ্যক মত পরি-
শ্রম করিয়া বুদ্ধিবৃত্তি ও ধর্মপ্রবৃত্তি চালনার্থে
যথেষ্ট অবকাশ প্রাপ্ত হইতে পারি, এই নি-
মিত্তেই পরম মঙ্গলকর পরমেশ্বর আমারদি-
গকে যত্ন নির্মাণের ক্ষমতা দিয়াছেন, ও বাহ্য
বস্ত্র সমুদায়ও তাহার উপযোগি করিয়া সৃষ্টি
করিয়াছেন। অতএব, বাহাতে সর্ব প্রাণী
লোকে সংসার-যাত্রা নির্বাহার্থে অল্প কণ

বিষয় কার্য্য করিয়া অবশিষ্ট কাল জ্ঞান ও
ধর্ম চর্চায় ব্যস্ত করিতে পারে, ও তদু-
পর্য্যাপ্ত লোকেই সমানরূপ সুখ স্ব-
চ্ছন্দতা লাভে অধিকারি হয়, এইরূপ সাংসা-
রিক নিয়ম প্রচলিত হওয়াই আবশ্যিক ।
লোকে যদি সবিশেষ মনোযোগ পূর্ব্বক মানব
প্রকৃতির বিষয়ে বিশিষ্ট রূপে শিক্ষিত ও বি-
শ্ব-কার্য্যের আলোচনা পূর্ব্বক পরমেশ্বর-প্রতি
স্থিত প্রাকৃতিক নিয়ম সমুদায় অবগত হইয়া
তদনুযায়ি ব্যবহার করিতে প্রবৃত্ত হয়, তবে
অবশ্যই মর্ত্যালোকের অসাধারণ শ্রীবৃদ্ধি ও
সুখোন্নতি হয়, তাহার সন্দেহ নাই । এক
পুরুষে বা দুই পুরুষেই যে এই মনোরম ম-
নোরথ পূর্ণ হইবে ইহা আমার অভিপ্রেত
নহে । মনুষ্যের যে প্রকার প্রকৃতি ও বাদুশ
অপেক্ষে অপেক্ষ তাঁহার অবস্থা পরিবর্তিত হ-
ইয়া আসিয়াছে, তাহাতে একপ আশু উন্নতি
হওয়া কোন ক্রমেই সম্ভাবিত নহে । এই
সকল পরম শুভকর সঙ্কল্প সিদ্ধ হইতে যে কত
শতাব্দী গত হইবেক তাহার নিশ্চয় কি ?
কিন্তু যখন এই সমুদায় শুভদায়ক অভিপ্রায়
আমাদের প্রকৃতি-মূলক, সুতরাং পরমেশ্বর-

৩৬ ধর্ম বিষয়ক নিয়ম লঙ্ঘনের ফল

প্রতিষ্ঠিত অথগু্য নিয়মের অনুযায়ী, তখন
কোন না কোন কালে যে তাহা সম্পন্ন হইবেক,
তাহার সন্দেহ নাই।

যেমন জন-সমাজস্থ সর্ব সাধারণ লোকে-
র মুখভা সুগুণিত সদাশয় ব্যক্তিদিগের শু-
ভাভিপ্রায় সম্পন্ন হইবার প্রধান প্রতিবন্ধক,
সেইরূপ অর্থ ও বংশ-মর্যাদার অতিমাত্র
গৌরবও তাহারদের সমুচিত সমাদর লাভ ও
লোকের জীবন্নি সম্পাদনের অত্যন্ত অতিকূল।
ধন মাত্র মান সম্ভ্রম উপার্জনের উপায় রূপে
নির্ধারিত থাকাতে, তাহাই সংসারের সার
বস্তু বিবেচনা করিয়া, লোকে নানা ক্লেশ স্বীকার
পূর্বক আশ পণে তৎ সঞ্চয়ে সচেষ্ট হয়,
এবং ধর্ম্মাধর্ম্ম বিচার পরিহার পূর্বক ধন-
ভূত্বাতুর নভ্রান্ত বিষয়ি লোকদিগের চরিত্রকে
আদর্শ স্বরূপ জ্ঞান করিয়া তদনুরূপ ব্যবহা-
য়ে প্রবৃত্ত হয়। বহু-মূল্য পরিচ্ছদ, উত্তম
বেশ ভূষা, বাহু আড়ম্বর, উদাহ-বিষয়ক কুল-
কর্ম্ম, নিত্য নৈমিত্তিক ক্রিয়া কলাপে বহুতর
ব্যয় ইত্যাকার সমুদায় ব্যাপার সম্পন্ন ক-
রিতে পারিলেই এদেশে সম্যক রূপে সু-
খ্যাতি ও সমাদর লাভ করা যায়। যাহার

যথেষ্ট সম্পত্তি আছে, সে অতিশয় ভদ্র-
 রিত্র হইলেও লোকে তাহাকে অসামান্য ম-
 নুষ্য জ্ঞান করে, এবং যে ধনবান্ ব্যক্তি
 পুত্রোক্ত প্রকারে স্বীয় ধন ব্যয় করিয়া লো-
 কের নবোন্নয়ন করেন, তিনি সকলের পূজ-
 নীয় হয়েন,—তাহার বশোগান চতুর্দিক হ-
 ইতে উত্ত হইতে থাকে। ধন সংগ্রহার্থে
 চৌর্য্য, প্রতারণা, বিশ্বাসঘাতকতা প্রভৃতি নানা
 প্রকার বিঘ্ন বিগর্হিত কর্ম করিলেও জন-
 সমাজে তাহার মানের ক্ষতি ও প্রকাশ্য রূপে
 অপমণঃ ঘোষণা হয় না। নির্জন লোকে
 অত্যন্ত জ্ঞান-সম্পন্ন ও পরম ধার্মিক হইলেও,
 তাদৃশ ধনি ব্যক্তির অসামান্য মানের প্রমাণ-
 শের একাংশও প্রাপ্ত হয় না। তিনি বাহ্য
 আড়ম্বর দ্বারা মনের মালিন্য গোপন করিয়া
 রাখেন, এবং লোকেও অন্তরের পবিত্রতা বি-
 শয়ে দৃষ্টি না রাখিয়া বাহ্য শোভারই পূজা
 করে। ধনাঢ্যদিগের চরিত্র অত্যন্ত দোষা-
 কর হইলেও লোকে তাহাতে বিরাগ প্রকাশ
 করে না, বরং তদূর্থে আপনারাও তদনু-
 বর্ত্তি হইয়া চলিতে আরম্ভ করে। ইহাতে,
 এক্ষণে যে প্রকার কুৎসিত রীতি নীতি প্রচ-

৬৮ ধর্ম বিষয়ক নিয়ম লঙ্ঘনের ফল

লিত হইয়াছে, তাহাতে সচরাচর সাধু ব্যক্তি-
দিগের সংসার-যাত্রা নির্বাহ করা অসাধ্য
ব্যাপার হইয়া উঠিয়াছে। প্রায় সকল দে-
শেই ধন সম্পত্তির সমান আদর আছে ব-
লিয়া একপ অবধারণ করা কদাপি উচিত নহে,
যে বিখ্যাপতি ধনকে সর্বোপরি পূজনীয়
করিয়া সৃষ্টি করিয়াছেন। লোকের যখন
যে প্রকার সংস্কার থাকে, তখন তদনুযায়ী
আচার ব্যবহার প্রচলিত হয়। অত্যন্ত অস-
ভাবস্থায় জিঘাংসাদি নিকৃষ্ট বৃত্তি সমুদায়
প্রবল থাকে, সুতরাং তখন নিষ্ঠুর-স্বভাব
যুদ্ধ-ক্ষম বলিষ্ঠ ব্যক্তিরাই প্রধান পদ প্রাপ্ত
হয়, এবং বোধ করি, তৎকাল-প্রাপ্য সমধিক
মুখ সন্তোষে সমর্থ হয়। ভারতীয় মহান্য-
গরস্থিত দ্বীপ বিশেষের লোকদিগের মধ্যে
যে ব্যক্তি মনুষ্য বধ করিয়া নিজ গৃহে যত নর-
কপাল সংগ্রহ করিতে পারে, সে তদেশীয়
লোকের নিকট তত সমাদর প্রাপ্ত হয়। বো-
র্নিও, সেলিবিস্, মলুক্ প্রভৃতি নানা-দ্বীপ-নি-
বাসি হোরকোর নামক লোকদিগের মধ্যে
এই প্রকার প্রথা প্রচলিত আছে, যে নর হত্যা
করিয়া তদীয় কপাল প্রদর্শন করিতে না পা-

যিহে বিবাহ হয় না। একগে যাঁহারা সভা
জাতি বানিয়া থাক আছেন, তাঁহাদের বু-
দ্ধিরূতি ও ধর্মপ্রবৃত্তি সমুদায়ের বিস্তর উন্নতি
হইয়াছে, তাহার, সন্দেহ নাই, কিন্তু তাঁহা-
রদের এই সকল প্রধান বৃত্তি অত্যাধিক নিকৃষ্ট
বৃত্তিদিগকে আয়ত্ত করিতে পারে নাই।
তাঁহাদের অর্জবংশাদি কতকগুলি নিকৃষ্ট
প্রবৃত্তি অতিশয় অবল থাকিতে, ধনই সর্বা-
পেক্ষায় স্পৃহণীয় ও আদরণীয় বলিয়া জ্ঞান
আছে। ঐশ্বর্যদিগের ন্যায়-বিরুদ্ধ তার-
তবীয় বাণিজ্য ও মুদ্রবিগ্রহ এবিষয়ের বিল-
ক্ষণ দৃষ্টান্ত-হল। কিন্তু যনুয়ার পাশ্বে জ্ঞান
রত্ন প্রধান রত্ন, এবং ধর্ম রূপ পরম পদার্থ
মরল অপেক্ষার পূজনীয়। অতএব, যৎ প-
রিমাণে জ্ঞানবর্গের বুদ্ধি ও ধর্মপ্রবৃত্তি স-
মুদায় উন্নত হইয়া নিকৃষ্ট প্রবৃত্তিদিগকে বশ-
বর্ত্তি করিবেক, তৎ পরিমাণে জ্ঞানও জ্ঞান
ও ধর্মের আদর বৃদ্ধি হইয়া পরবেশের
পরম শুভকর অভিপ্রায় সমুদায় সম্পন্ন হই-
তে থাকিবেক।

পরমেশ্বর আমারদের বুদ্ধিরূতি ও ধর্ম-
প্রবৃত্তি সমুদায়কে সর্বাপেক্ষা প্রধান কার্য-
সাধক করিয়া

১০ ধর্ম বিষয়ক নিয়ম লঙ্ঘনের ফল

হেন, ও বাহ্য বস্ত সকলও তাহারদের সহিত সমগ্রসীভূত করিয়া নৃষ্টি করিয়াছেন ; অতএব ভূমণ্ডলে যে ব্যক্তির ঐ সমুদায় বৃত্তি সর্বা-
পেক্ষায় প্রবল, তাহাকেই সমধিক সমাদর ও
শ্রেষ্ঠ পদ প্রদান করা কর্তব্য, এবং লোকের
তদ্বিশেষের ভারতম্যানুসারে ধন, মর্যাদা ও
পদোন্নতির ভারতম্য হওয়া সর্বতোভাবে বি-
ধেয় । এই প্রকার গুণাগুণ অনুসারে লোক-
শ্রেণীর ইতর বিশেষ করা পরমেশ্বরের অ-
ভিপ্রেত, এবং এই প্রকারে উৎকর্ষাপকর্য
বিবেচনা করিলেই তাহার নিয়মানুগত কার্য্য
করা হয় । কলতঃ, লৌকিক অভিব্যক্তক না
থাকিলে জনসমাজের এইরূপ ব্যবস্থাই সং-
স্থাপিত হইতে পারে, কেবল লোকের নিকৃ-
ষ্ট প্রবৃত্তির প্রাবল্য এই পরম রমণীয় মনো-
রথ সাধনের সম্যক্ প্রতিকূল হইয়াছে ।

ধন-মর্যাদার ন্যায় বংশ-মর্যাদাও ন্যায়-
বিরুদ্ধ ও অনিষ্ট-কারক । যদি মান্য কুলো-
দ্ভব কোন ব্যক্তি অতি অযোগ্য পাত্র হয়,—
ব্রাহ্মণ-সন্তান যদি ঘোরতর মূর্থ ও অতিশয়
অধাৰ্ম্মিক হয়েন, কুলীন-পুত্র যদি সৰ্ব্ব প্রকার
দুষ্ক্রিয়াতে আসক্ত হয়েন, এবং রাজকুমার

যদি পিঙ্গাচবৎ পায় শুভরাধন হইলেন, তথাপি লোক-সমাজে তাঁহারদের আদরের ভ্রুটি হয় না;—হীন-বর্ণ, অকুলীন ও ধনহীনদিগকে অবশ্যই অবশ্য তাঁহারদিগের পূজা করিতে হয়। যখন জগদীশ্বর আমারদিগকে লোক-আনুরাগপ্রিয়তা বৃত্তি প্রদান করিয়াছেন, তখন সৎ কর্ম্যানুষ্ঠান পূর্বক লোকের অনুরাগ প্রার্থনা করা অন্যায় নহে, এবং যখন ভক্তি বৃত্তি প্রদান করিয়াছেন, তখন উপযুক্ত গুণবান্ পাত্রকে সমাদর করা তাঁহার অনভিপ্রেত নহে, কিন্তু সহস্র বিবেচনা পূর্বক যোগ্য পাত্রেরই ভক্তি নিয়োজন করা তাঁহার অভিপ্রেত, তাহার সন্দেহ নাই। লোক-কপিত কুল-মর্যাদানুসারে অশেষ দোষাকর গুণ-শূন্য ব্যক্তির বৈশাখ-স্বভাব গুণ-সম্পন্ন মনুষ্যদিগের দ্বারা আদৃত ও পূজিত হয়, এবং তাঁহারদিগকে হেয় জ্ঞান করিয়া তাঁহারদের উপর প্রভুত্ব ও কর্তৃত্ব করে, ইহা কদাপি পরম ন্যায়বান্ ব্রহ্ম-নিয়ন্তার অভীষ্ট নহে। পরমেশ্বর-প্রদত্ত প্রধান প্রধান প্রকৃত গুণ সমুদায়ই ভক্তির ডাকনাম; লোক-কপিত বংশ-মর্যাদা কদাপি তাহার বিঘ্ন নহে।

৭২ ধর্ম বিষয়ক নিয়ম লঙ্ঘনের ফল

এইরূপ অবিহিত আচরণ পরমেশ্বরের নিয়মানুগত নহে, অতএব তদ্বারা নানা প্রকার অনিষ্ট ঘটিতেছে। লোকে বাল্যকালাবধি অকিঞ্চিৎকর কুল, মান, উপাধি এই সমুদায়েরই সমাদর করিতে শিক্ষা করে, বাহ্যতে বধার্ধ কৌলীন্য ও বধার্ধ শ্রেষ্ঠতা লক্ষ্য হয়, তদ্বিষয়ে তাহারদের কিছু মাত্র দৃষ্টি থাকে না। ইহাতে সর্বদাই এ প্রকার ঘটিয়া উঠে, যে অনেকে কুলীন বা ধনাঢ্য লোকের সহিত সম্পর্ক করিবার নিমিত্তে তত্ত্বৎশোভব বুদ্ধি-হীন রিশু-প্রধান নিকৃষ্ট পাত্রে সহিত আপনার অতি উৎকৃষ্টতর বুদ্ধিবৃত্তি ও ধর্মপ্রবৃত্তি-ভূষিতা কন্যার বিবাহ দিয়া স্বীয় দোহিত্র বংশের অপকৃষ্টতা সম্পাদন করেন; কারণ এরূপ অপকৃষ্ট পাত্রের ঔরসে সেই কন্যার বৃত্ত সন্তান উৎপন্ন হয়, তাহারা অবশ্যই ধর্ম ও বুদ্ধি-শক্তি বিষয়ে হীন হয়, তাহার সংশয় নাই। অকুলীন ধন-হীন লোকেরা যদি কোন জনকে কিছু অর্থ উপার্জন করিতে পারে, তবে তাহা স্বীয় পরিবারের ও জন-সমাজের উন্নতি সমাধানার্থে ব্যয় না করিয়া কুল-ক্রিয়া করণার্থে সমর্পণ করে,

এবং একটা কুল-সম্পর্ক করিতে পারিলে, তাহারদের অভিমান বর্জিত ও যশোভি-
লাস প্রবল হইয়া তদ্বিশয়ে উৎসাহ বৃদ্ধি হয়,
ও তদ্বারা কুল-মর্যাদা রূপ অন্ধ কুপে ভুরি
ভুরি অর্থ নিষ্কিন্ত হইতে থাকে। এদেশের
ন্যায় ইউরোপেও বংশ-মর্যাদার বিলক্ষণ
আদর আছে। তত্রত্য মান্য-বংশোদ্ভব ধনা-
ঢ্য ব্যক্তিরা আপনাদিগকে অপ্রাকৃত মনুষ্য
জ্ঞান করিয়া তদনুরূপ আচরণ করেন, এবং
অন্যান্য লোকে স্বকীয় কুলের উন্নতি সাধ-
নার্থে পূর্বোক্ত প্রকারে ব্যবহার করিয়া
থাকেন। এদেশীয় বঙ্গালসেন-সংস্থাপিত
কোমলিন্য প্রথা দ্বারা যে সমস্ত মহানিষ্ঠ উৎ-
পন্ন হইতেছে, তাহা কাহারও অবদিত
নাই। সম্রাট-বংশোদ্ভব ব্যক্তিদিগের গুণা-
গুণ বিবেচনার প্রথা না থাকিলে, বংশ-মর্যাদা
রূপ বিঘ্নের বৃদ্ধি যেত পল ফলিত হয়, এ
দেশীয় অজ্ঞানান্ধ কুলীন ও ধনিদিগের চরিত্র
তাহার দৃষ্টান্ত-স্থল। যে দেশে এই প্রকার
কুপ্রথা প্রচলিত আছে, তত্রত্য তত্তদর্শি সুবি-
জ্ঞ ব্যক্তিদিগেরও তাহা অতিক্রম করিয়া
যথাবৎ সত্যানুষ্ঠান করা সহজ ব্যাপার নহে।

৭৪ ধর্ম বিবরণক নিয়ম লঙ্ঘনের ফল

অদ্যই যে বংশ-পরম্পরাগত মান ও উপাধি সমুদায় এককালে রহিত হইয়া যায়, ইহা আমারদিগের উদ্দেশ্য নহে। যখন মনুষ্য-সাধারণে যথোচিত শিক্ষা প্রাপ্ত হইয়া জ্ঞান ও ধর্মের মর্যাদা সম্যক রূপে অবগত হইবে, এবং তৎ সহকারে এই প্রত্যাবর্ত্ত অভিপ্রায় সমুদায় অতি যথার্থ বলিয়া হৃদয়ঙ্গম করিতে পারিবে, তখন আপনা হইতেই এই পরম রমণীয় মনোরথ পূর্ণ হইবে। কিন্তু এক্ষণে ইহা আমারদিগের বক্তব্য বটে, যে ধনবান্ সন্তান লোকে জন-সমাজে বিশিষ্ট রূপ গণ্য মান্য হইয়াও যে ভদ্রপন্থক গুণ ধারণ করেন না, ইহা তাঁহারদের পক্ষে অত্যন্ত লজ্জার বিষয়। উচ্চ পদের উপযুক্ত না হইয়া তাহাতে অধিকৃত থাকিলে হাত্যাম্পদ হইতে হয়। বাস্তবিকও, এদেশীয় বহু-দোষাকর বিদ্যা-শূন্য ধনি ও কুলীন-সন্তানেরা বিদ্রু ব্যক্তিদিগের উপহাস-স্থল হইরাছেন। বেশ, ভূষা, বাহ্য শোভা এ সমুদায় যথার্থ গুণের চিহ্ন নহে, বরং যাহারা এই সমস্ত ব্যাপার দ্বারা লোকের অনুরাগ প্রার্থনা করে, ও যে সকল ব্যক্তি এই সমুদায় বিষয়কে বিশিষ্ট রূপ

আদরণীয় বোধ করে, উভয়েরই ঘোরতর অ-
জ্ঞতা প্রকাশ পায়। যদিও এফণকার বিদ্যাবান
নামে প্রসিদ্ধ যুবকদিগের মধ্যে অনেকে অন্য-
ন্য বিষয় অপেক্ষা বানের সৌন্দর্য ও পরি-
চ্ছদের পারিপাট্য বিষয়েই বিশিষ্টরূপ দৃষ্টি
রাখেন, কিন্তু ভারতবর্ষীয় প্রাচীন পণ্ডিতদি-
গের একপ ব্যবহার ছিল না। তাঁহারা এ
সমুদায় বিষয়কে সামান্য বোধ করিয়া জ্ঞান
ও ধর্মকে পরম রত্ন স্বরূপ মান করিতেন,
এবং আপনাদের মধ্যে যাহারা ভবিষ্যে
শ্রেষ্ঠ, তাঁহাদেরিকেই বধার্থ শ্রেষ্ঠ ও পুজ-
নীয় জ্ঞান করিতেন।

কিন্তু আত্মাদর ও লোকানুরাগপ্রিয়তা বৃ-
ত্তিকে যথা নিয়মে নিয়োজন না করাতে, এই
বিষম দোষাকর ব্যবহারের উৎপত্তি হইয়াছে
বলিয়া, তাহাদের উচ্ছেদ চেষ্টা করা কোন
ক্রমেই কর্তব্য নহে। এই উভয়ই মনুষ্যের
স্বাভাবিক বৃত্তি, অতএব তাহারা কোন কালে
স্বকীয় প্রভাব প্রকাশে বিরত হইবেক না।
তবে বুদ্ধি ও ধর্মপ্রবৃত্তির প্রবলতার ভারতম্যা-
নুসারে তাহাদের উপভোগ্য বিষয় পরি-
বর্তিত হইতে পারে। কোন দেশীয় লোকে শ-

৭৬ ধর্ম বিষয়ক নিয়ম নাজনের কল

রীরের চিত্র বিচিত্রতা, কোন জাতীয় লোকে
বুদ্ধ-সামর্থ্য, কোন জাতীর লোকে বা লোকা-
চার-সিদ্ধা বলাধ্যক্ষতা বিষয়ে আপনাদি প্রা-
ধান্য প্রদর্শন করিতে পারিলেই জন-সমাজে
সমাদর লাভ করে। তাহারদের আত্মাদর
ও লোকানুরাগপ্রিয়তা বৃত্তি এই সমস্ত নিকৃষ্ট
বিষয় প্রাপ্ত হইলেই পরিভূষ্ট হয়। বৎ
পরিমাণে বুদ্ধিবৃত্তি ও ধর্মপ্রবৃত্তি মার্জিত হয়,
কত পরিমাণে ঐ উভয় বৃত্তি উত্তরোত্তর উৎ-
কৃষ্ট বিষয় লাভার্থে সচেষ্ট হয়। কালে কালে
লোকে এই দুই প্রবল প্রবৃত্তির চরিতার্থতা
সাধনার্থে যে সকল অসাধ্য-সাধন কল্পে প্রবৃত্ত
হইয়াছে, ও প্রাণ পর্য্যন্ত পণ করিয়া অশেষ
ক্লেশ স্বীকার পুরস্কার যে সমুদায় বিষয় সন্ত-
জনক হুকুম্ব্যাপার সম্পাদ করিয়াছে, তাহা
আলোচনা করিলে বিস্ময়াপন্ন হইতে হয়। তা-
হারদিগকে সন্নিবেচনানুসারে নিয়োজন করি-
তে পারিলে, ননুঘোর শারীরিক ও মানসিক উ-
ন্নতি বিষয়ে বিস্তার উপকার দর্শে। যদি এই
প্রকার নিয়ম থাকে, যে লোকে কেবল স্বকীয়
গুণানুসারে মান ও মর্যাদা প্রাপ্ত হইবে, এবং
ধনাঢ্য, কুলীন বা ব্রাহ্মণ-সন্তানেরাও যোগ্য

পাত্র না হইলে কোন ক্রমেই পৈতৃক মর্যাদার অধিকারি হইবেক না, তবে ঐ সকল মান্য-কুলোদ্ভব ব্যক্তিদিগকে স্বকীয় সম্ভ্রম রক্ষণার্থে জ্ঞান ও ধর্মানুশীলন বিষয়ে একান্তদৃষ্টি যত্ন পাইতে হয়, এবং অপর লোকদিগেরও আপন আপন জ্ঞানানুকম্পমান ও যশঃ প্রাপ্তির প্রত্যাশার আপনাদিগের বুদ্ধি ও ধর্মপ্রবৃত্তির উন্নতি চেষ্টায় অনুরাগ ও উৎসাহ হয়। প্রত্যুত, বংশপরম্পরাগত মান, মর্যাদা ও উপাদি প্রাপ্তির প্রথা প্রচলিত থাকিলে, মানি ব্যক্তিদিগের মান সম্ভ্রম লাভ স্বকীয় গুণের উপর নির্ভর করে না, মুতরাং তাঁহারদের জ্ঞান ও ধর্মোন্নতি বিষয়ে তাদৃশ চেষ্টা থাকে না। কাপ্পনিক কুলীনেরা, অর্থাৎ কুল-মর্যাদা-বিশিষ্ট বিদ্যা-রহিত অবদম্যক্রান্ত ব্যক্তিরা অপর সাধারণের বিদ্যা শিক্ষা ও ত্রিবিধ সম্পাদন বিষয়ে অনুরাগ ও উৎসাহ প্রদান করেন না, বরঞ্চ ভবিষ্যে প্রতিপক্ষতাচরণ করেন। কিন্তু যাহারা পরমেশ্বর-প্রতিষ্ঠিত প্রাকৃতিক কুলীন, যাহারা প্রথর বুদ্ধিবৃত্তি ও উৎকৃষ্ট ধর্মপ্রবৃত্তি প্রাপ্ত হইয়া তাঁহারদিগকে বিহিত বিধানে চালিত, মাজ্জিত ও উন্নত ক-

৭৮ ধর্ম বিবরণ নিয়ম লঙ্ঘনের কল

রেন, তাঁহারা সর্ব সাধারণের জ্ঞান ও ধর্মোন্নতি এবং সুখ স্বচ্ছন্দতা বৃদ্ধি বিষয়ে অকপট অনুরাগ ও অসাধারণ উৎসাহ প্রকাশ করিয়া থাকেন। অতএব, যদি ভূমণ্ডলে অশেষ দোষাকর কাম্পনিক কুলীনতা রহিত হইয়া কেবল পুর্কোক্ত আকৃতিক কৌলীন্যই স্থাপিত হয়, তবে তৎ-পদাভিযুক্ত বহু-ঐশ্বর্যের মহা-স্বারা স্বচ্ছা ও স্বার্থ উভয় কারণেই আপামর সাধারণ সকল লোকের জীবিত্তি ও মহোন্নতি সম্পাদনে উদ্যত হইবেন; কেন না তাঁহারা দোষিতে পাইবেন, যে স্বদেশস্থ লোক সকল মুনিষিত, বুদ্ধিমান ও ধর্মপরায়ণ না হইলে, তাঁহাদের সুখ, সম্মান ও সার্থকতা সম্যক্ রূপে সম্পন্ন হওয়া সম্ভাবিত নহে। ইহা হইলে এই পৃথিবী কি অপূর্ব অনির্কচনীয় সুখ-ধাম হইবে!—ভূমণ্ডল জ্ঞান-জ্যোতিতে প্রদীপ্ত ও ধর্ম-ভূষণে বিভূষিত হইয়া পরম রমণীয় রূপধারণ করিবে।

লোকে পৃথক্ পৃথক্ ভাবে ধর্ম বিবরণ নিয়ম লঙ্ঘন করিলে যে প্রকার দণ্ড ভোগ করে, তাহার বিবরণ করা গেল। এখন, কোন দেশীয় জন সাধারণে সমবেত হইয়া দেশান্তরীয়

ধর্ম বিষয়ক নিয়ম লঙ্ঘনের কল ৭৯

লোকের উপর অত্যাচার করিলে তাহার যে
প্রকার অতিকল প্রাপ্ত হয়, তদ্বিষয়ের বিবে-
চনা করা যাইতেছে।

যেসকল মনোবৃত্তি মনুষ্য ও ইতর জন্তু
উভয়েরই আছে, কেবল স্বার্থ সাধন যে তা-
হার অন্তোজ্ঞন, এই গ্রন্থের প্রথম ভাগে
তাহা প্রতিপন্ন করা গিয়াছে। যেহেতু, বি-
ভিন্ন জাতীর ইতর জন্তু সেই সমুদায় স্বা-
র্থসাধিকা বৃত্তির অনুবর্ত্তি হইয়া পরস্পর
প্রহার ও সংহার করে, সেইরূপ বিভিন্ন জা-
তীর মনুষ্যেরাও ঐ সকল প্রবল প্রবৃত্তির বশ-
বর্ত্তি হইয়া চলিলে পরস্পর পশুবৎ ব্যবহার
করিতে প্রবৃত্ত হয়, বরং তদ্বিষয়ে আপনার-
দের অতি প্রথমা বুদ্ধিবৃত্তি নিয়োজন করাতে,
হিংস্র জন্তু অপেক্ষাও অধিক অনিষ্ট উৎপা-
দন করিয়া থাকে। একাল পর্যন্ত কোন দে-
শীয় লোকে দেশান্তরীয় লোকের প্রতি ধর্ম-
প্রবৃত্তির প্রাধান্যানুযায়ি ব্যবহার করিতে
প্রবৃত্ত হইরেন মাই। আবহমান কাল বল-
বীৰ্য্য-বিশিষ্ট দুর্জয় লোকে বীৰ্য্যহীন ক্ষীণ
লোকের উপর আক্রমণ ও অত্যাচার এবং
তাহারদিগকে পরাভূত ও নষ্ট করিয়া আসি-

৮০ ধর্ম বিষয়ক নিয়ম লঙ্ঘনের কল

তেছে। কোন কোন জাতি প্রবল পরাজন্য হুঁদাস্ত নিতুর মনুষ্যদিগের অত্যাচারে একে-বারে লুপ্ত-প্রায় হইয়াছে। সমুদায় অশুভ ঘটনা হইতেই কিছু কিছু সহপদেশ প্রাপ্ত হওয়া যায়, তদনুসারে ঐ দুর্নীত দুঃখীল লোকদিগের দুর্জীবন্য দৃষ্টে এই নীতি শিক্ষা করা উচিত, যে কোন জাতীয় লোকের নিকৃষ্ট প্রবৃত্তি এবং শারীরিক শক্তির নিতান্ত হ্রাস করা কর্তব্য নহে। হিংস্র-পশুর পশু ও মনুষ্যদিগের অত্যাচার নিরাকরণার্থে ঐ সমুদায় অত্যন্ত আবশ্যিক। নিকৃষ্ট প্রবৃত্তির আভিযা নিবারণ করা অবশ্য কর্তব্য বটে, কিন্তু উচ্ছেদ চেষ্টা করা উচিত নহে।

পরম মঙ্গলাকর পরমেশ্বর যে মনুষ্যদিগকে ধর্মপ্রবৃত্তি রূপ রমণীয় ভূষণে ভূষিত করিয়া প্রেত্ব পদ প্রদান করিয়াছেন, ইহা তাহারদিগের পরম সৌভাগ্যের বিষয়। কিন্তু তিনি জনসাধারণের স্বজাতীয় সুখ স্বচ্ছন্দতা সমুন্নতি বিষয়ে ঐ সকল প্রদান প্রবৃত্তির সহিত বাহ্য বস্ত সমুদায়ের সামঞ্জস্য রাখিয়াছেন কিনা? আর যাহারদের প্রভুত বল, প্রবল বুদ্ধিবৃত্তি ও হুঁদাস্ত নিকৃষ্ট প্রবৃত্তি থাকে, তাহারা যদিও

দুর্বলদিগের উপর আক্রমণ ও অত্যাচার করিতে পারে, কিন্তু এইরূপ অধর্মাচরণ সুখ সৌভাগ্য সঞ্চয়ের 'উৎকৃষ্ট উপায় কি না? এ ছুই প্রশ্নাব বিশিষ্ট রূপে বিবেচনা করা কর্তব্য।

পরমেশ্বরের নিয়মানুসারে পরিশ্রম ও মিতব্যয়িতা এই উভয়ই ধনাগমের উৎকৃষ্ট উপায়। মাতৃবৎ প্রতিপালিকা পৃথিবী অপ-
র্যাপ্ত ঐশ্বর্য্য বানে প্রস্তুত আছেন; আমরা শারীরিক ও মানসিক চেষ্টা সহকারে হস্ত বিস্তার করিলেই যথেষ্ট অর্থ লাভ করিতে পারি। ছদ্দান্ত দান্যগণ এবং দান্য তুল্য বলিষ্ঠ ব্যক্তিরা কিছু কাল দুর্বলের ধন হরণ পূর্ব্বক ভোগ করিতে পারে তাহার সন্দেহ নাই, কিন্তু তদ্বারা অর্থের আকর ক্রমে ক্রমে শূন্য হইয়া আইসে। অন্যের অত্যাচারে সঞ্চিত ধন ক্রমাগত নষ্ট হইতে থাকিলে, লোকে ধন সঞ্চয় করণে তাদৃশ যত্নবান্ না হইয়া ধনাপ-
হারি অত্যাচারিদিগকে প্রতিকূল প্রদানার্থেই সর্ব্বতোভাবে সচেতিত হয়।

যদি পরমেশ্বর আমাদের বুদ্ধিবৃত্তি ও ধর্মপ্রবৃত্তির সহিত সনঞ্জনীভূত করিয়া এই

৮২ ধর্ম বিষয়ক নিয়ম লঙ্ঘনের কল

ভূমণ্ডলস্থ সমস্ত বাহ্য বস্তু সৃষ্টি করিয়া থাকেন, এবং বিশ্ব-রাজ্য পরিপালনার্থে ঐ সকল সৃষ্ট বস্তুর আধান্যানুযায়ি নিয়ম সংস্থাপন করিয়া থাকেন, তবে কোন দেশীয় লোকে দেশান্তরীয় লোকের সর্বনাশ সঙ্কল্প পূর্বক তাহারদের উপর অত্যাচার ও বল প্রকাশ করিয়া অর্থ ও প্রভুত্ব লাভের চেষ্টা করিলে, কখনই স্থায়িতর সৌভাগ্য সঞ্চয় করিতে পারিবেক না। যদি কোন জাতীয়রাজা বারাজপুরুষেরা লোভাসক্ত হইয়া অন্য দেশ আক্রমণ পূর্বক সংগ্রামে প্রবৃত্ত হইয়েন, তবে তাহারদিগকে যুদ্ধ নির্বাহার্থে সঞ্চিত ধন ব্যয় করিতে হয়, এবং অধিকতর অর্থ আহরণার্থে নানা প্রকার ছক্কর ও অসৎ উপায় অবলম্বন করিয়া তৎ প্রতিফল প্রাপ্ত হইতে হয়। যদি তাহারদের শত্রুপক্ষ প্রবল ও জয়ী হয়, তবে তাহারদিগের যুদ্ধে যত ক্লেশ ও যত ব্যয় হইয়াছিল, সমুদায়ই নিরর্থক যায়, এবং পরেও তদ্বারা বহুপ্রকার দুঃখ উৎপন্ন হয়। যদি তাহারা জয়ি হইয়া পরাজিত জাতিতে নিষ্पीড়ন করেন, তবে তাহারা পশ্চাৎ দেখিবেন, ধর্মের জলাঞ্জলি দেওয়াতে পরিণামে

মুখ, স্বচ্ছন্দতা ও শান্তিরসেও জনাঞ্জলি দিতে
হইয়াছে। বিশেষতঃ, নিকৃষ্ট প্রবৃত্তিদিগের
যেকোন অসত্তাবিত অবলতা হইলে পরদেশ
আক্রমণ ও তত্রস্তা লোকের উপর অত্যাচার
করিতে প্রবৃত্তি হয়, তদ্বারা স্বদেশের রাজ-
নীতি ও রাজশুক্রদিগের ব্যবহার উভয়ই অ-
ধর্ম দোষে দুষিত হইয়া তুংথ রূপ বিষম বিষ
উৎপাদন করে।

সম্মদেশীয় পুরাবৃত্তেরই মধ্যে এ বিষয়ের
প্রচুর প্রমাণ প্রাপ্ত হওয়া যায়, কারণ একাল
পর্যন্ত সকল জাতীয় লোকেই নিকৃষ্ট প্রবৃ-
ত্তির আদেশানুযায়ী কার্য্য করিয়া আসিতে-
ছেন। অতএব, এ বিষয়ের দুই এক উদাহ-
রণ প্রদর্শন করা যাইতেছে।

১—রোমীয় লোকদিগের চরিত্র ইহার স-
ম্পূর্ণ দৃষ্টান্ত-স্থল। তাহারা পরিশ্রমে অবহেলা
করিয়া পরদেশ আক্রমণ ও পরদ্রব্য লুণ্ঠন
এই উভয়ই জীবিকা স্বরূপ জ্ঞান করিত। এ
নিমিত্ত, কোন কালে তাহারা ধর্ম্মশীল, পরি-
শ্রম-পরায়ণ, মুখ-বিশিষ্ট রূপে দৃষ্ট হয় নাই।
তত্রস্থ সম্রাট ধনাঢ্য ব্যক্তিরা প্রায়ই ভো-
গাসক্ত ও ভ্রুকর্মান্বিত ছিলেন। তাহারা যে-

৮৪ ধর্ম বিষয়ক নিয়ম রাজ্যের ফল

মন ছুঃখীলতা প্রকাশ পূর্বক লোকের উপর
অশেষ প্রকার উগ্ৰদ্রব করিতেন, সেইরূপ ক-
খন কখন ছুঃখান্ত ইতর লোকদিগের, কখনও
বা অত্যাচারি ছুরন্ত রাজাদিগের হস্তে পতিত
হইয়া যৎ পরোন্নাতি শাস্তি ভোগ করিতেন।
রোমীয়দিগের সাম্রাজ্য কালে সামান্য লোকে
মুখ, কলহ-প্রিয়, আলস্য-পরবশ ও দরিদ্র
ছিল; তাহারা অন্যের খন হরণ করিয়া উদর
পূর্ণ করিত, এবং স্বাধানুরোধে আপন দেশ
ও আপনাদিগকেও বিক্রয় করিতে প্রস্তুত
হইত। তবে যে কখন কখন রোমীয়দিগের
দেশে ধর্ম ও শান্তি সুখের সঞ্চার হইত, তা-
হার কারণ, তৎকালে ধর্মশীল বুদ্ধিমান
ব্যক্তিরো রোম-রাজ্যে রূপ বৃহৎ তরবারে
ধার হইতেন। মধ্যে মধ্যে কোন কোন ম-
হাত্মা স্বদেশ-হিতৈষী, ন্যায়পরতা ও অসা-
মান্য বুদ্ধি-শক্তি প্রকাশ পূর্বক স্বদেশ উজ্জল
করিয়া গিয়াছেন, কারণ তাহারা ধর্ম-পরা-
য়ণ ছিলেন। কিন্তু সামান্যতা রোমীয় লো-
কেরা ধর্মপ্রবৃত্তির অমৃতময় উপদেশ অবহে-
লন পূর্বক নিরুপদ প্রবৃত্তির বশীভূত হইয়া
চলিত তাহার মনেহ নাই।

তাহারা ধর্ম্মানুযায়ি ব্যবহার ও ন্যায়-
যুক্ত পরিশ্রম পরিভ্যাগ পূর্বক জীবন যাত্রা
নির্বাহার্থে কেবল পর-জ্যোত্স্নহরণের উপর
নির্ভর করিয়া থাকিতে ছুফল, নিবীৰ্য্য, নি-
রুৎসাহ, অবশ-চিত্ত, এবং সমবেত চেষ্টা ও
শৌর্য্য প্রকাশে অসমর্থ হইরা আসিল, এবং
তাহারদের নিষ্ঠুর ব্যবহার ও অশেষ অত্যা-
চার অসহনান হইরা চতুঃপাশ্ববর্তি সমস্ত
জাতীয় লোকে তাহারদিগের অত্যন্ত বিদ্বেষি
ও বিবগ শত্রু হইরা উঠিল। অবশেষে, যখন
তাহারদের পাপের ভরা পূর্ব হইল, তখন
অভ্যর্চ ও অপেক্ষাকৃত ধর্ম্মশীল অসভ্য লোক
নবল সংহার-মুক্তি ধারণ পূর্বক তাহার-
দিগকে আক্রমণ করিলেক, তাহারদের সাম্রা-
জ্য বিনাশ করিলেক, এবং তাহারদের অসা-
ধারণ কীর্তি লুপ্ত করিলেক।

২।—আমারদিগের দেশাধিপতি ইংল-
ণ্ডীয় লোকেরাও এবিষয়ের বিলক্ষণ দৃষ্টান্ত
হল। তাহারাবল্ কালাবধি কেবল নিরুৎ
প্রবৃত্তি সমুদায়ের বশীভূত হইরা কার্য্য ক-
রিয়া আসিতেছেন। দুর্জয় অর্জুনস্পৃহা,
অতি প্রবল আত্মদর এবং ভয়ঙ্কর জিহাংসা-

৮৬ ধর্ম বিষয়ক নিয়ম গজ্ঞানের ফল

বৃত্তি তাঁহারদের সকল কর্মের প্রবর্তক স্বরূপ
হইয়াছে । তাঁহারা এই সমুদয় বিষম
প্রবৃত্তির অনুবর্ত্তি হইয়া ভগ্নানুগারি বিধান
ও ব্যবহার করিয়া আসিতেছেন । তদনু-
সারেই তাঁহারা পরদেশ অধিকার করেন,
বাণিজ্য-বিষয়ক স্বতন্ত্রতার ব্যাঘাত করেন,
শিষ্ট ও ব্যবসায় বিষয়ে অনিষ্টকর নিয়ম
সকল সংস্থাপন করেন, এবং অন্যান্য ভুরি
ভুরি ধর্ম-বিরুদ্ধ রীতি নীতি প্রচলিত করেন ।
যদি জগদানন্দ এই বিশ্ব-রাজ্যে নিম্নোক্ত প্রবৃত্তির
প্রাধান্য রাখিয়া বাহ্য বস্ত্র সমুদায়ের তদনু-
গারি শৃঙ্খলা স্থাপন করিতেন, তবে এক দিনে
ইংলণ্ড দেশ স্বর্গোপম মুখ-ধান হইত । কিন্তু
পশ্চাৎদৃষ্ট হইবে, তাঁহারদের কর্ম বৃক্ষে
বিপরীত ফল ফলিত হইয়াছে, এবং উত্তরো-
ত্তরও হইবার সম্ভাবনা আছে ।

প্রথমতঃ, আমেরিকা-বাসিনিগের সহিত
ইংলণ্ডবাসিনিগের চর্য্যাবহার এ বিষয়ের
এক প্রধান উদাহরণ । সহস্র সহস্র ব্রিটে-
লীয় লোক ধর্ম বিষয়ক অভ্যাসে উদ্ভেজিত
হইয়া স্বদেশ পরিত্যাগ পূর্বক আমেরিকার
উত্তর ধণ্ডে গিয়া বসতি করে । এক শত

বৎসর গত না হইতেই তাহারদের সংখ্যা ও ন্যায়ার্থের একপ বৃদ্ধি হইল, যে তৎকালে তাহারদের দেশ একটি রাজ্য রূপে পরিগণিত হইতে পারিত, এবং যদি ইংলণ্ডীয় রাজা ও রাজপুরুষেরা তাহারদের সহিত সন্ধির বন্ধ করিয়া চানতেন, তবে তদ্বারা ইংলণ্ডের ধন, ঐশ্বর্য্য ও সুখ সৌভাগ্য সমৃদ্ধি বিষয়ে নিস্তর আনুকূল্য হইত। বর্ত্ততঃ, তৎকালে আমেরিকা ইংরেজদিগের শস্যাগার স্বরূপ হইয়াছিল, অতএব তাহাকে প্রযত্ন পূর্ব্বক রক্ষা করা নিতান্ত কর্তব্য ছিল; কিন্তু তাঁহারা অবিলম্বে স্বাধীনতা সেতু ভঞ্জন করিয়া বিবাদ-প্রবাহ প্রবল করিলেন। তাঁহারা আমেরিকা-নিবাসিদিগের সহিত মান্য প্রকার কুব্যবহার আরম্ভ করণতে, উভয় পক্ষে বিঘ্ন যুদ্ধ উপস্থিত হইল।

সেই ঘোরতর সংগ্রামে কোন্ দেশীয় মনুষ্যেরা পরমেশ্বরের কিরূপ নিয়ম লঙ্ঘন বা পালন করিয়া কি প্রকার ফল প্রাপ্ত হইয়াছে, তাহা এক্ষণে বিবেচনা করা কর্তব্য। ইংরেজেরা উপচিকীর্ষা ও ন্যায়পরতা হ্রাসিত উপদেশ অবহেলন পূর্ব্বক অর্জুনস্পৃহা ও

৮৮ ধর্ম বিষয়ক নিয়ম লঙ্ঘনের ফল

আত্মানর রুত্তিকে চরিতার্থ করিতে প্রতিজ্ঞা
করিয়াছিলেন। ইহাতে আমেরিকা-বাসি-
দিগের ক্রোধানল প্রজ্জ্বলিত হইয়া তুমুল
সংগ্রাম উপস্থিত হইল। ইংরেজেরা পরমে-
শ্বর-প্রতিষ্ঠিত ধর্ম-বিষয়ক নিয়ম লঙ্ঘন পূর্বক
রাজ্য এবং ঐশ্বর্য লাভার্থে, আর আমেরিকা-
বাসিরা প্রধান প্রধান প্রবৃত্তির উপদেশানু-
সারে স্বকীয় স্বাধীনত্ব সংস্থাপনের নিমিত্তে
এই বিবশ মুখে প্রবৃত্ত হইলেন। এমত স্থলে ইং-
রেজদিগের জয় পরাজয় উভয়েই হানি
সম্ভাবনা, বরঞ্চ জয় হইলে অধিক অনিষ্ট
হইত। ব্রিটেন-বাসিরা আমেরিকা-বাসিদি-
গকে পরাজয় করিতে পারিলে, তাহারদিগকে
পদে পদে অপমান করিতেন তাহার সন্দেহ
নাই। ইহাতে আমেরিকা-বাসিদিগের নি-
রুদ্র প্রবৃত্তি সকল উত্তেজিত হইয়া ভূমোভূয়ঃ
ইংরেজদিগের দ্রোহাচরণে প্রবৃত্ত হইত।
এ প্রকার ছংশাসনীয় রাজ্য শাসন ও প্রজা-
দ্রোহ নিবারণার্থে বহু সংখ্যক সৈন্য ও রণ-
তরী রক্ষা করিতে হইত, এবং তাহাতে ঐ
রাজ্যের সমুদায় উপস্থিত অসংখ্য অধিক
অর্থ ব্যয় হইত। তদ্ব্যতীত, এ প্রকার আচ-

রণ দ্বারা তাঁহারদের নিরুদ্বৈত প্রবৃত্তি সকল
ক্রমাগত অবল হইতে থাকিত, এবং তাহাতে
স্বদেশে যুক্তি-বহির্ভূত রাজনীতি প্রচলিত
হইয়া আপনারদিগেরও অশেষ ক্লেশ উৎ-
পন্ন করিত। কিন্তু তাঁহারদের পরাজয়
হওয়াতে অপেক্ষাকৃত উপকার দর্শিয়াছে।
আমেরিকা-বাসিরা বুদ্ধি, বিদ্যা, ধন ও ধর্ম
বিষয়ে উন্নতি প্রাপ্ত হইয়া মিত্র স্বরূপে ইং-
রেজদিগের বহু প্রকার উপকার করিতেছে।
তাঁহারা তাহারদিগকে নিগ্রহ করিয়া যত
অর্থ অপহরণ করিতে পারিতেন, এক্ষণে আ-
মেরিকার বাণিজ্য দ্বারা তাহার দশগুণ ধন
লাভ করিতেছেন। কিন্তু যখন তাঁহারা ধর্ম-
বিষয়ক নিয়ম লঙ্ঘন করিয়া পূর্বোক্ত যুদ্ধে
প্রবৃত্ত হইয়াছিলেন, তখন তাঁহারদিগকে অ-
বশ্যই তাহার ঐতিফল ভোগ করিতে হই-
য়াছে, তাহার সন্দেহ নাই। তাহাতে ভূরি
ভূরি লোকসময় ও রাশি রাশি ধন ব্যয় হইয়া
তাঁহারদিগের অশেষ ক্লেশ উৎপন্ন করি-
য়াছে। তদবধি ইংলণ্ডীয়দিগের ইতিহাস
তাঁহারদিগের অধর্মে ও যজ্ঞনা বর্ণনায় মলিন
ও কলঙ্কিত হইয়াছে। ইংলণ্ডীয় রাজ্য যে